





播州楊氏自楊鑑一作楊鏗內附以來世襲宣慰使嘉靖中楊烈

逐父相水西客死而自爲宣慰生子應龍少雄猜尤阻兵嗜

殺隆慶六年襲職以從征喇麻及九絲臧乃楊柳溝有功歷

賜金幣萬歷十三年一作隆慶中誤進大木六十本助工賜鎮國將

軍給飛魚第應龍甚黠窺我川兵弱每征討祇調土司而川

將且從借給漸驕蹇輕漢法所居僭飾龍鳳用繡女閩人嬖

小妻田氏雌鳳疑嫡妻張姦淫出之已而飲田氏兄所乘醉

合誌七

一 會稽徐氏重粟

封刀取張井其母首屠其家居平酷殺樹威以睚眦殺人初

惑七姓虐所屬黃平五司久而覺七姓欺已遂結關外生苗

戕七姓於是妻叔張時照與所部何恩宋世臣等飛書告龍

反貴撫葉夢熊請發兵討而議者難之總督李化龍卽給言

龍實無反令就吏于是逮應龍詣重慶對簿繫論法當斬而

以二萬金請贖御史張鶴鳴方駁問會關白發難久大將軍

以羽檄徵天下兵應龍願待罪得東征許之旣而關白已就

廖尋報罷川撫王繼光初任復遣逮應龍勒結則抗不復出

時廷議勦撫多異同而繼光一意主勦與總兵劉承嗣議分

三軍以一軍軍川南山黃平湄潭入一軍軍川北由永寧緝



麻入一軍軍川東由安穩松坎入三道竝進應龍佯令其黨  
穆炤等約降而統苗兵據婁山關衝都司王之翰軍軍盡覆  
餘殺傷相當會繼光論罷卽撤兵時川兵旣挫而貴兵協勦  
者亦無功御史薛繼茂乃旋主撫應龍因上書自訴其詞頗  
哀上仍命郭成等戴罪立效而以兵部侍郎邢玠爲總督會  
應龍遣行間者懷金入京爲原奏何恩所執

紀事本末作  
執何恩誤解

綦江縣而其姻黨馬千斛通播則黃平白泥諸司路扼之玠  
乃馳檄諭應龍稱引哮劉事待以不死時水西宣慰安疆臣  
請父國亨卹典兵部尙書石星手札示疆臣趨應龍就吏得

貫罪而疆臣母鳳氏亦以勸應龍應龍乃上書軍門請就吏

合誌七

二 會稽徐氏重粟

玠乃遣重慶知府王士琦趨應龍安穩聽勸應龍復不至使  
弟兆龍赴安穩治郵傳儲糧郊迎叩頭致饋資餼牽如禮曰  
應龍久縛渠魁待罪松坎所不能至安穩者以安穩故多奏  
民也應龍誠甘心死法笞恐無故爲奏民遮殺則不甘耳使  
君幸枉車騎臨謁松坎使應龍得吐肝膽然後隨車騎至安  
穩以伏斧鑕士琦許之遂單騎往松坎應龍果面縛道左哭  
泣請死罪士琦乃與之還安穩應龍預擇大木十圍以上者  
爲安穩治公館仍面縛叩頭跪起檻獻黃元阿羔阿苗等十  
二人案驗抵應龍斬依夷法論贖輸銀四萬兩助採木工仍  
革職以子朝棟受土舍事而羈次子可棟于重慶追贖梟斬



黃元等總督以聞且議設撫夷同知治松坎而以士琦爲兵備填壓之故事黃平設通判治獄訟賦稅而黃平五司襲替貢馬諸表箋必用宣慰印故宣慰得以制五司今議改黃平草塘白泥餘慶重安五司屬黃平通判詔可乃應龍旣釋益鞅鞅旣而次子死重慶則益痛且憤嘗促取屍棺以勘報未結不肯發趨其完贖大言曰吾子活銀卽至矣擁兵驅千餘僧招魂而去先是石砮土婦覃氏行宣慰事與應龍通而以次子馬千駟聘應龍次女其長女則洪邊宣慰宋承恩所聘也承恩以龍反告官請絕婚而馬千駟方入播願踐舊約于是應龍統兵擊承恩多所殺略遂分遣夷目據關守險遍版

合誌七

三 會稽徐氏重榮

五司七姓置江內七牌江外四牌爲巡司搜戮奏民取諸苗健者謂之硬手劫殷戶以養之乃劈餘慶土吏毛乘雲棺磔其屍掠石阡大壩焚略餘慶草塘及興隆都勻諸衛抄重安長官張熹家旣而劫江津縣臨合江索其饒袁子升繼城下鬻割之旣而侵貴州湖廣諸屯詞原奏讎民宋世臣父鑿及羅承恩等挈家匿偏橋衛城襲執指揮陳天寵等大索城中得鑿承恩及子女盡車裂以徇已又令苗兵與婦人交或對父奸女或面夫淫其妻或裸體坐木露牝叢射或誘蛇入牝而燔其尾又或掘墳墓焚屍使當風飛灰川撫譚希恩請于合江綦江二縣各置游擊一員以扼之而責撫江東之令都



司楊國柱等以三千兵進勦賊佯敗誘入殲之國柱不屈死  
于是罷束之以郭子章代而起前都御史李化龍兼兵部侍郎  
節制川湖貴三省兵事議大征方檄調間應龍遽引苗兵  
六萬人繞綦江以火炮攻城破殺游擊張良賢等時賊謀  
士孫時泰勸應龍入重慶應龍曰不清近穴而取遠地誰謂  
汝知兵者乃于東壩立播界號宣慰官莊取貲財子女實之  
而殺老弱者投屍蔽江旣復聲言江津合江皆播故土將分  
兵清理總督乃得日夜設兵備搜奸細殺之分戍南川合江  
瀘州議撫局以緩其勢未幾劉將軍綖至總督乃移軍軍重  
慶賊結九股惡苗及紅黑脚苗大治扼塞官軍相持不敢前  
貴將董元鎮坐逗遛革職劉綖亦赴師踰期戴罪殺賊有疑  
綖與應龍昵者總督延綖入臥內輪心腹且以危言激綖引  
其父顯九絲功爲比綖大慟願誓死報効乃委綖專制救黃  
平諸司時石砮宣撫馬千乘軍鄧坎連破金竹青岡七寨西  
陽宣撫冉御龍攻官壩斬關而入賊方攻婺州聞敗反顧綖  
與總督分部諸道兵入路竝進而已統勁旅從綦江入連戰  
破三峒踰楠木山羊簡臺諸峻嶮奪其隘應龍子朝棟以苗  
兵數萬迎敵我師夾擊綖身親陷陣苗大驚曰劉大刀至矣  
棟潰圍走初綦江諸苗自分屠城慘戮罪不赦又應龍憚綖  
威名冀首挫其鋒故屬朝棟悉勁兵間道相角曰爾破綦江



馳南川盡焚積聚餘無能爲也及朝棟僅以身免賊膽落諸軍分道竝捷遂奪天都三百落圍賊乘隙出奇兵突犯烏江詐稱水西瀧澄會哨誘永順兵斷橋淹死我師無算參將楊顯守備陳雲龍等俱死之時有語水西通賊者瀧澄大恨

事紀

木末以恨誤眼遂以澄大眼爲頭目名字誤會賊託田氏修好賄澄澄斬其使且與安疆臣約發奮殺賊縱乃戰九盤入婁山關時賊以婁山關爲前門諸軍爭從前門入總督急下令搗使向後防賊衝突已而賊果抄後山奪關都司王芬中矢死縱勒騎陷堅大戰水牛塘擊破之先是督臣與諸軍約關外宜撫謂多不可勝誅也關內宜戰謂師不可久老也是時安羅洵洪三寨

合誌七

五 會稽徐氏重萊

生口以鉅萬數皆面縛請降幸許可而長坎瑪瑙長蛇諸圍已前後擊破殺虜數千人於是酋父子計無復之乃相率登海龍困海龍圍者賊所倚天險當時所稱飛鳥不能踰者也時沅撫江鐸裨將陳璘周敦吉周以德等皆急攻圍賊詭令婦人于圍上拜表痛哭云田氏且降復詐爲應龍仰藥死報裨將吳廣廣輕信約緩攻已覺其詐乃會八路兵共集圍下總督聞父喪徒跣墨縗益治軍應龍散金募死士無一應者乃四顧倉皇借諸妾闔室自縊已而火起吳廣獲其子朝棟及妾田雌鳳而曳龍屍出燬中計出師至滅賊百十有四日斬級二萬餘詔斬朝棟等剉龍屍而以縱爲軍功冠自總督



李化龍以下各進級賞賚有差其後議分播爲二府屬川者曰遵義屬貴者曰平越遵義領州一曰眞州縣四曰遵義曰綏陽而改夜郎曰桐梓改懷陽曰仁懷平越領州一曰黃平領縣三曰湄潭曰餘慶而合甕水重安曰雍安又改龍泉縣屬石阡專設播州兵備道駐遵義置威遠衛建學增驛

土婦奢世續者永寧宣撫使奢效忠妾也效忠初娶水西安萬銓女名阿節嘗隨效忠爲其弟安信報讎與安國亨戰朶泥橋多斬獲人稱其能旣而阿節生一子名崇禮與阿節先後死烏蒙祿氏與安氏世婚媾效忠因安氏娶祿氏養女之美者曰世統無子其同時養女中有鋪罵者美且少效忠并

合誌七

六

會稽徐氏重榮

娶之爲妾卽世續也鋪罵生二子曰崇周曰羅哥效忠死崇周當襲職顧雅弱總兵劉顯者見鋪罵而喜遂以世續名請冠帶掌印視宣撫事先是效忠有弟曰沙卜性陰鷲善淫通其嫂世統據有之兄死將妻世統襲兄職而朝命屬世續大怒時世統居水腦世續居落紅沙卜囑夷目胡遷喬安三漢目袁初攻落紅破之世續逃永寧而寄崇周羅哥于鎮雄會總兵郭成以赤水之役過落紅遣指揮使禹嘉績郭天心問卜爲卜擒而成恃兵衆駕言詔獄耀旌旗戈甲將以脅卜卜伴爲畏懼負弩矢郊迎竟反脣突殺其裨將黃希忠等御史交劾成亦自辨謂化統以黃金四十餘萬賄赤水白河諸

衛使之申請當是時牝亦以千金餉臣臣未有動也封而寄  
貯之同知高文全家若干日矣今臣欲除姦將出其不意搗  
其虛以散其金錢偶一不幸而言者持短長議其後謂生分  
謂激變天下尙復有賞罰哉上惡其彊辨奪其官而賜二婦  
竝冠帶食水腦落紅二地填以一指揮使崇周以髻髮衣巾  
稱博士弟子守其印俟稍長承襲沙卜姑貰辜令退居撒魁  
如初萬曆十二年指揮馬懷義往填落紅鼓吹導之行世統  
喝之曰止請奪崇周印屬之漢吏然後許填守行事懷義怯  
遽返世統出金賂懷義而私使火者嚴世才詣水西乞兵時  
播州楊應龍未反有雄名世續亦遣使胡卿就應龍乞兵戰  
于麻線堡及張旗落澗落郎諸屯各相當上乃下兵尙書問  
狀且責讓懷義而懷義自十二年至十四年凡三年寄食他  
所簿對無一語乃以曾受賂計贓且罰兩婦黃金劬各復冠  
帶而以參將一人填守之十八年詔崇周襲職世續乃爲崇  
周娶烏蒙女素賒居落紅會疊茂徵兵崇周從征大雪山有  
功二十三年楊應龍反崇周復應徵已提兵行沙卜乃乘隙  
伏甲道左將以殺崇周崇周覺力戰斬首鹵二十八級追沙  
卜至河殺卜卜有子白僕挾世統略世續金六十萬亡之貴  
陽密使白春芳以蠱飲崇周崇周死時素賒有身撫巡仍請  
世續復冠帶護印視宣撫事世統益恚恨然無如何時白撒



諸生有梁宗遠者多智謀世統聘之至而身事之不足復飾  
夷女阿委執箕帚請爲主謀宗遠令白僕出告謂效忠無後  
僕實效忠姪得承襲改名崇翰屬所司問狀世續乃爲疏奏  
曰臣不天效忠卽世兩妾不相能子弱民疑臣以少寡婦居  
其間歷干戈險阻閱二十年雖不死然已老矣今白僕實殺  
崇周尙遺于就吏乃反欲襲崇周職臣生不願見有此事幸  
臣旦夕死任其所爲上乃下兵尙書議不聽襲旣而世續死  
效忠疏族有襲者名崇明而于是有奢安之亂

崇明奢氏本獮種世爲宣慰使傳至崇周死無嗣崇明以族  
人冒襲性陰鷲與子寅竝蓄異志天啟元年詔以邊事徵四

合誌七

八 會稽徐氏重業

方兵崇明疏請提土兵三萬赴援先遣土目樊龍等將兵至  
重慶川撫徐可求核之汰其老弱及頒餉餉置龍走馬舞槊  
直刺可求可求死遂一擁而上殺道臣孫好古駱曰升李繼  
周知府章文炳同知王世科熊嗣先推官王三宅知縣段高  
選總兵黃守魁參將萬金王登爵等原任鞏昌同知董盡倫  
聞變帥衆入城殺賊遇伏死餘科臣胡時舉等皆負創踰墻  
走賊遂據重慶分兵扼夔州水口諸隘奄至遵義下納溪瀘  
州江安諸州縣惟江津知州翁登彥知縣周禮熹能嬰城破  
賊餘俱瓦解賊乃乘勢向成都指揮冉世洪等戰死之賊直  
薄城下懸旂偕號四面夾攻城中僅留鎮遠營七百人調到

松潘茂州龍安兵一千五百人左布政朱燮元登陴而守先是燮元以輯瑞就道驟聞變從者趨速行避之去燮元故徘徊不行已而蜀王出國門率百姓遮道留燮元燮元乃遽還慷慨治兵先令土司坤汝常乘賊而以指揮常恭等架大砲助之殲賊先鋒數人賊稍卻次日賊數千人以革裹竹牌障其身將登矢石無所用燮元急命架七星砲火箭火磚衝擊之殺數百人抵暮賊擁鉤梯數千攀城而前燮元戒士卒第燃砲礮石無譁遲明賊積屍陵城下時冬濠水涸賊率降民持箴束薪載濠土壘如山上架蓬蓽形類行屋設伏弩仰射城中而垂簾以蔽矢石燮元夜縋壯士持芻塗膏殺守者縱

合誌七

九 會稽徐氏重棠

火火舉山墮賊大阻燮元又遣人決都江堰水以灌濠濠滿賊乃治橋得少息因緝獲城中與賊通者二百人懸其首俾上賊又于城四面立望樓高與城等燮元曰賊設瞭望必四出剽掠其中虛遂命死士五百人突出擊之賊果無備斬其三將燒樓而還當是時諸路援兵相繼至復安岳樂至諸縣戰于倒流鎮及石橋永清諸舖各有斬獲且有衝至城下者時石砮女土官秦良玉頗知兵崇明初起時卽厚遺白金求助良玉斬使留金率所部兵同弟秦民屏佐翼明出援遣兵夜襲兩河燒賊船阻賊東下而自率兵三千星夜赴成都與賊相犄角然賊亦日增無退意圍城將百日歲且盡城中人



不祠臘賀正第時聞賊發塚墓遙望號哭旣而賊數千自林中噪而出視之有物如舟名旱船高丈許長五百尺爲重屋簷葦左右而板其中伏力士百人張以毒弩而以一人仗劍載羽旂驅牛數百頭運石轂行旁翼兩雲樓如左右廣俯瞰城中人城中人皆哭燮元曰此呂公車也破之非礮石不可礮石者巨木爲杆柱置軸柱間轉索運杆千鈞之石飛擊如彈丸賊車不得近乃陰募大砲擊牛中其當軛者牛駭返走乘勢縱擊敗之會諸生范祖文陷賊中密遣使言賊將羅乾象欲自拔效用燮元卽遣使同乾象來來則燮元臥戎樓乾象方表甲佩刀燮元呼與飲飲酣呼榻前同臥鼾如雷不知之疑乾象卽頭曰公天人也縋而出後凡賊中舉動無不知者燮元乃造水牌數百面投錦江順流而下令有司沉舟斬筏斷橋梁嚴兵以待賊夜半果逸乾象等內變賊營火起崇明父子拔營走還保重慶而乾象來降燮元卽遣乾象復江安并復新都時燮元已陞巡撫秦良玉譚大孝諸援兵皆燮元節制敗賊牛頭鎮進復遵義值賊據重慶重慶三面臨江惟佛圖關至二郎關爲出入要路賊自通遠至二郎連營一十七精兵數萬副使巨志統總兵杜文煥與土司秦民屏等夾攻前後賊驚敗遂復二關殺賊三千餘人乘勝逼重慶斬樊龍等而安邦彥叛水西貴撫王三善禦之三善死會燮元

與石砮兵復遵義敗崇明父子崇明窮蹙走水西與邦彥合  
兵謀仍窺遵義官軍戰于芝蔴塘大破之水西苗老虎阿引  
殺奢寅來降時燮元喪父歸以閔夢得代之相持不決至崇  
禎改元詔燮元起原官燮元甫赴任卽檄貴兵下烏撒川兵  
出永寧畢節扼各路要害而親帥大軍至陸廣撲賊賊時已  
僭號疾趨永寧燮元乃佯北誘賊分遣官軍從四路襲入賊  
四應不給羅乾象復出奇兵繞後急擊之賊大驚潰遂陣斬  
二賊以獻燮元乃諷安位降不至迭攻之遂降時斬首數萬  
級鹵獲無算燮元乃復討擺金兩江巴香狼壩火烘五洞叛  
苗通上下六衛并清平偏鎮四衛道路凡二千六百餘里設  
亭障置游徼以便往來又討平雲南土舍普明聲西南大定  
因以苗地疏闊難設守遂相擇要害建石城三十五曰貴州  
北關曰開州曰敷勇衛曰鎮西衛曰息烽所曰于襄所曰修  
文所曰詰戎所曰濯靈所曰威武所曰簸箕隴曰赫聲所曰  
柔遠所曰定南所曰廣順所曰雞場曰青崑曰馬場堡曰烏  
江曰連雲曰有嘉曰靖氛曰恬波曰奏膚曰平黔曰清豐曰  
舞干曰順化曰懷仁曰馴象曰黃絲曰楊老曰涼傘曰廣興  
鎮曰隴落堡曰巴香修舊城十三曰普定衛曰安莊衛曰新  
興站曰查城驛曰普安州曰甕安縣曰施秉縣曰烏撒衛曰  
赤水衛曰永寧衛曰普市曰摩泥曰平壩增築官署祠廟并



道路館舖屯哨百有餘所開闢水田一十一萬七千五百餘畝科田五萬八千餘畝

女土官秦良玉者石砮掌印宣撫使也秦氏繼馬氏爲宣撫使萬厯末良玉兄邦屏邦翰皆以援遼力戰死邦屏故爲宣撫使因從征請女弟掌印而其幼弟民屏者亦同時被劄力戰潰圍出歸不能視事良玉忠勇多大略諸部便之請襲終其身會蘭賊奢崇明反夷寨蠡起多響應崇明念石砮強且巫夔門戶地遣使賫白金詣秦氏求助良玉開轅召使入斬使留其金料所部兵得萬人親將之而使弟民屏姪翼明分左右哨捲甲疾趨銜枚度重慶駐兵于南坪之間陰分兵襲

合誌七

主 會稽徐氏重棨

兩河燒其船使不得順流東下別留兵一千爲疑陣張旗幟守忠萬界爲犄角復移文夔州使設兵防瞿塘通上下聲息而後親統兵溯江水陸竝進會朱燮元大破賊良玉乃迎賊于佛圖關敗之至二郎殺賊三千人復其地值水西安邦彥反良玉追賊戰新都而遣弟民屏以別哨援水西大破邦彥于平越當是時勤王兵論功良玉第一民屏次之獨惜民屏擣大方從貴撫王三善行三善死殉之崇禎七年自成破夔州良玉統土兵出戰郤其衆使自成無西志十三年獻賊旣降于督師而叛驟與過天星出寧昌分兵窺羊頭坂渡大昌將劉貴遮擊之轉而向巫山良玉卽陳兵洛門扼于百子溪

賊不敢近已而嗣昌至嗣昌湖人欲使湖地無賊盡驅賊入川而後乃徐圖勦滅陽言吾以川困賊勢不得不先困川盡收川兵之壯者益守湖而弟以單弱者屯夔巫間時良玉將兵三萬援夔城川撫邵捷春檄之使駐近重慶與守將張令爲聲援而復分其兵半嬰重慶城會綿州知州陸遜之罷官歸川撫遣之按行諸營過良玉良玉冠帶飾佩刀出見左右男妾數十人皆嚴裝然謹畏不敢仰視較他營整肅旣見設饗禮酒數巡微與遜之論兵事甚悉已而嘆曰開府不知兵吾一婦人受國恩死固不惜所借與開府同死此耳遜之請

故良玉曰開府移妾自近去其所駐重慶三十四里而遣張

合誌七

主 會稽徐氏重榮

令守黃泥窪固已失地勢矣夫賊在歸巫萬山之上俯瞰吾營驅鐵騎建瓴而下張令破次及我我敗尙能救重慶之急乎且閣部驅賊入川無愚智皆知之開府不于此時爭山奪險令賊毋敢卽我而坐以設防此覆軍之道也無何官兵敗于土地嶺湖將汪之鳳轉戰死良玉疾力偕張令扼賊衆于竹箇坪大殺賊已乘勝出而賊以伏弩射張令喉令死官軍潰良玉力救之不得還顧石砮兵皆奔無一駐者乃急集餘衆轉戰大敗遂單騎入重慶城見捷春日事急矣盡出吾溪峒兵不減二萬我自廩其半而以其半給之官猶足破賊吾土官家法調兵急則以箸日能飯者畢至也再急則以帚日



埽境出也捷春聞事敗偉皇獨念嗣昌不相中且川無見糧如之何頃之謝良玉良玉哭而出其後獻賊破四川僭號而自成已陷京師良玉毀冠帶再拜號咷曰吾兄弟三人皆死王事而吾以孱婦受國恩二十年今不幸至此其敢以餘年事逆賊哉悉召諸所部約法曰有從賊者族無赦于是設四境杜通漢路守以強兵獻賊遍招諸土司用降人爲誘鑄金印齎之以易其官從否參半顧無有入石砭境者

黎州馬金者故馬岱後年十六有器識獻賊招土司至黎州念黎故險阻邛峽飛越溪洞窅冥有山曰斗門三面懸絕僅通道一綫阻之易爲梗乃資厚幣鑄宣慰金印叩頭獻馬金馬金笑曰而欲使我從王入賊耶以金印擲賊使面血出捧其首而走金好酒色嘗爲晝夜飲醉則裸睡婦人傍醒復飲越一年卒

雅州有高克禮楊之銘者兩家互讎殺而之銘有弟之喬乘亂弑兄請獻忠兵攻高氏獻忠大悅聲言邊境初附免租賦三年會雅州知州王國臣西安人初歸馬廣旣而歸獻忠嘗與川南道胡寅不相能將執寅赴成都寅不得已遁之雅州高克禮家至是國臣通之喬共以攻高氏爲名執胡寅家口數十人送獻忠殺之而于是高楊二姓皆從賊

光緒十六年徐氏鑄學齋重刊

山陰田寶祺校



合誌七

五

會稽徐氏重刊

Vertical columns of text, mostly illegible due to fading and bleed-through from the reverse side of the page. The text appears to be organized into columns, typical of traditional Chinese book layouts.

山陰田寶祺校



雲南一

雲南

雲南古梁州南境史稱西南靡莫之屬以什數滇竄大漢元

封中始兵臨其地滇王請降而後漢稍郡縣之自後或附或

叛蜀漢嘗官其酋長龍佑那賜姓張氏其旣迭有著姓曰蒙

氏鄭氏趙氏楊氏段氏高氏凡七姓惟蒙段竄大各世稱王

其餘諸族以百數名百夷大抵居黑水之表者曰僊人居其

裏者曰爨人且亦以表裏分黑白如所云黑羅羅白羅羅者

他若些門麼些秃老蒲人和泥蠻土獠羅舞羅撒摩都摩

察儂人沙人漂人古刺哈刺面人結些哈杜弩人山後人哀

牢人峨昌蠻倮蠻魁羅蠻傳尋蠻色目瀾河尋丁蠻粟些各

以族類據諸蠻中自漢唐迄元但以兵力羈縻之入明南征

竟版籍其地辟籌落而加以經畫彷彿神農開地至日月之

表者創置雲南楚雄臨安大理諸府爲內地而更以元江永

昌之外麓川車里諸地爲西南夷一如舊時成都之視滇池

其南以元江爲關車里爲蔽而達于八百其西以永昌爲關

麓川爲蔽而達于木邦其西南則通緬甸而底于南海其東

南則通寧遠而竟于安南其西北則拓麗江而達于吐蕃幅

員廣大至是已極雖夷性靡常叛伏不一而控制繹絡鞭箠

合誌入

一

會稽徐氏重榮

可使故當洪武南征時甫命三將軍入雲南而來安府土知府岑漢忠與其弟漢良招諭定遠諸府縣十有八處進表願附上以原官嘉勞而武定府土官法叔妻商勝率諸部按兵獻印請爲編氓詔授勝中順大夫武定軍民府女知府錫之誥命并賚朝服及織金羅衣紗帽金帶蠻人大附惟大理段世致書請依唐宋故事僅奉正朔爲外臣征南將軍傅友德與副將沐英藍玉共討平之獲世獻俘以次撫車里麼些和泥平緬諸蠻遂移兵討烏撒東川芒部置大渡守禦千戶所率兵守之以通往來乃以烏撒烏蒙芒部地近四川奏隸四川布政司已得上諭謂地廣兵稀不宜分屯但當于赤水畢

合誌八

二 會稽徐氏重粟

節七星關各置一衛而駐一營于黑張之南瓦店之北會征南諸軍方分兵出攻未伏諸蠻而土酋楊苴謂城虛守弱遂相煽叛糾衆二十萬合三十六營攻城時城中乏食守將馮誠嬰城守出奇兵殺賊沐英從烏撒還援斬賊六萬餘級生擒四千人遂定乃于麓川之外征緬甸及八百媳婦諸國擊破會川土知府王春于金沙江就諸府築城建衛擒廣南土官儂貞佑送京師開建昌新道置驛徙中土大姓以實之討樂蘭州韋富及廣南特摩道雲南臻洞西浦擺金擺榜諸蠻并討平越蠻麻哈楊孟等大置屯田自楚雒至景東每百里置營率兵屯種獨麓川思倫法遣使朝貢已獻元所授平緬



宣慰印而結砮入寇沐英遣甯正張因大敗之于摩沙勒賊復悉衆號三十萬戰象百餘再寇定遠乃以火銃神機箭擊象焚象背戰樓俘斬萬衆生獲象三十有七其渠昭祿昭綱刁斯耶理等皆被矢死象背蠻俗稱宣慰爲昭總領爲昭孟把事諸目爲昭祿昭綱昭百昭哈斯昭准以次臣屬遂轉向討越州土目苦麻部蠻阿資敗之普安斬其渠滿已青阿資恃險不伏復合擊斬其火頭弄宗等阿資窮蹙與其母請降因置越州馬隆二衛以控其地已而再叛都督何福再平之乃置府二十左右分畫左曰迤東右曰迤西間以大江東北曰金沙西南曰瀾滄其官軍戍守及五方之人或旅或處錯雜相僦者是曰漢人其生夷曰夷人分爨焚爲界爨屬郡縣爨屬羈縻總計夷漢則漢三夷七分計兩夷則焚三爨七開設土司衙門置車里末邦孟養緬甸八百大甸麓川平緬六宣慰司及孟定南甸芒市三府鎮康灣甸大侯威遠四州十二關納樓茶甸千崖鳳溪等十二長官而以諸夷數叛賜姓刁異罕永樂三年擣家生夷酋備方物入貢置老撾宣慰司四年孟揆生夷酋來附置孟良府遣中使楊瑄與雲南千戶孟景賢往諭百夷諸生部落于是大古刺小古刺及其隣境諸番曰底馬撒曰茶山曰底板曰孟倫曰八落搭皆遣隨中使貢方物且言諸部落皆西南極邊自昔未通中國願內屬



乞設官統理于是詔置宣慰司二長官司五遣官賚誥敕印符賜之乃以車里木邦孟養緬甸老撾麓川平緬八百大甸七宣慰司十二關納樓茶甸教化三部王弄三虧容甸溪處甸思陀甸左能寨落恐甸安南祿谷寨刺次和革甸香羅瓦魯之因遠羅必甸馬龍他郎甸者樂甸十七長官司屬布政使司潞江鎮遠楊塘三安撫司鳳溪施甸茶山促瓦散金里麻六長官司屬都司統轄之兵部武選設武定麗江景東元江順寧永寧鎮沅蒙化孟良孟定知府十八寶山南甸蘭州灣甸寧州富州北勝大候雲龍蒞菓鄧川安寧威遠霑益羅雄鎮康陸涼知州十七人臨西嶧峨雲南亦佐羅次元謀知

合誌八

四

會稽徐氏重榮

縣六人廣南姚安同知二人鶴慶知事一人千崖經歷一人巨津師宗蒞菓通安北勝鎮南姚州順州州同知八人北勝南安鎮南州判官三人雲南楚雄亦佐易門定遠永平縣丞六人昆明雲南廣通嶧峨定遠楚雄主簿六人威遠州吏目一人五井順盪鹽井副使二人連爲古刺騰衝樣備觀音山莎橋德勝關洱西在城打牛坪晉寧易龍驛丞十二人金齒水眼鄧州州壺蕃順寧尋甸禾摩村東山口瀾滄江師井打牛坪盪井金沙江十二關備溪江青索翼納更山蒲陀崇鎮南箭捍場關索嶺鐵爐青水江黑鹽井西金沙江赤水鵬定西嶺龍街關蔓神寨徐白水關南平關白鹽井阿雄村夏賴



元江禾摩村安南坡祿脹練象關楚雄縣松詔舖觀音山鳳羽鄉東金沙江回登關湯池英武關巡檢三十六人改流二十五人增設鶴慶尋甸廣西知府三人馬龍彌勒維摩阿迷知州四人路南蒙旨知縣二人楚雄府同知一人麗江府照磨一人浪穹典史一人彌勒沙鹽井副使一人永平潞江羅卜思庄雲南驛丞五人宣化關甸頭樣備神摩洞下江南安州普昌石門關彌沙井雲龍甸煉象關楚場巡檢一十二人統隸之吏部驗封其所設土司皆置長食其土歲各量出差發銀多不過二千五百兩少者四十兩或十五兩連互數千里貢道分上下二路宣德七年鈕兀生夷酋新附置鈕兀長

合誌入

五 會稽徐氏重粟

官司正統三年以麓川思任法叛討平之革麓川平緬宣慰司改置隴川宣撫司于隴把陸南甸州干崖長官司爲南甸干崖二宣撫司改茫施府爲茫市長官司四年哈瓦生夷內附置孟連長官司成化十四年尋甸知府安晟死兄弟爭襲改尋甸土知府爲流官知府廣西亦如之弘治十七年增設宣州流官知州隆慶初以武定鳳氏屢叛討平之改設武定府流官知府增守禦所二年增設鄧川州流官知州萬曆十三年平羅雄州土酋者繼榮亂改羅雄州爲羅平州調曲靖中左所爲定雄所二十五年平順宣知府猛廷瑞亂改設順宣府流官知府改大候州爲雲州設流官知州四十二年以



雲龍州知州段進忠殺土官段嘉龍受誅改雲龍州土知州  
爲流官知州裁革五井提舉以鹽課并歸之其土官著姓者  
土知府則景東陶氏蒙化左氏麗江木氏順寧猛氏永寧阿  
氏廣西昂氏鎮沅刁氏元江那氏尋甸安氏武定阿氏土同  
知則姚安高氏廣南儂氏土知州則安寧董氏鄧川阿氏雲  
龍段氏北勝高氏寧州祿氏大候奉氏霑益安氏路南秦氏  
羅雄海氏寶山蘭州羅氏富州沈氏土知縣則嶧峨祿氏雲  
南楊氏元謀吾氏其土司著姓自蒙段七姓後雜以卜氏多  
氏思氏莽氏普氏猛氏沙氏及刁氏曩氏罕氏大抵諸夷風  
俗與中國大異冬夏寒暑晝夜長短一切均等惟臨安以南

合誌八

六

會稽徐氏重栞

五邦之民稍苦熇熱咸翦髮以避鬱毒地多海子有江水可  
通舟楫其落坎處飛瀑流沫奔陷數百丈俗謂之嵌則尺椽  
寸篔所不得渡其十二府地半屬梁州益州之間但多襍蠻  
舊爲莊躄所開本名滇國俗無禮儀男女趨捷不鞍而騎食  
貴生貿易用貝凡貝數一貝爲庄四庄爲手四手爲苗五苗  
爲索雖租賦亦用之椎髻編髮處子孀婦必先竊耦而後成  
婚其在臨安爲甸町國激江合強宗休制羅伽三部景東柘  
南漢未有其地永寧名樓頭賧順寧蒲蠻其夷俗時與漢同  
然究不相習七軍民府多麼些新丁阿夔成偈諸族自楚雄  
迤南有名眞羅武人者人死則裹以獐鹿犀兕虎豹熊羆之



皮棄之深山久則其人卽隨所裹皮化爲其獸而去又蒲人  
縹人哈刺其人色黑如墨有被殺者視其骨亦黑麗江屬州  
男女鑿松脂束髮每一歲爲一縷行則鎔然有聲地產犏牛  
不能耕惟斷其尾茜染之以飾盛介州界有闕人皆不得入  
惟府吏得入故人嘗願爲府吏諸甸本土羅羅和泥人好相  
殺死則償以財家無姓名其有名者或遞承其父名之末字  
顧無姓弘治中知府陳晟以百家姓首八字司分一字加于  
各名之上諸甸皆受惟納樓不受其外百夷館以木邦爲首  
木邦與孟養同俗男貴女賤雖細民視其妻如奴僕男子白  
衣文身婦繫圍桶裙操作其迤西南甸設南牙山關甚險在  
騰越南有山名半箇山者山巔北積雪南炎瘴如炊蒸婚禮  
置茶穀于筒婦人怪者或化異物富家化牛馬貧家化猫狗  
至夜伺夫寐以短木置夫懷中夫不能覺卽化去攝人魂魄  
至死食其肉有守者逐得則夫家亟出金往贖否卽殺之干  
崖土熱四時皆蠶取其絲織五色土綿充貢隴川雞鳴無時  
牝雞亦能鳴魚有鮎頭鯉身者牛有水牛頭黃牛身者惟威  
遠莫蒙寨有河汲水煉炭上可爲細鹽灣甸名細賤水不可  
涉有黑泉如蠶漆漲時飛鳥過之輒墜夷以竿絰布濯而暴  
之用拭盤盂人食其物立死芒市名大枯賤小枯賤又名怒  
謀男裹足衣繒布女分髮直額爲一髻跣而衣皮者樂甸互

市五日十日一集旦則婦日中則男更代貿易永昌舊名金齒卽古哀牢國唐名六詔蠻地稱王日詔有蒲人其在永昌鳳溪施甸及十五喧二十八寨皆漢種不知荷擔負竹篾于背入水不漚其在蒙自及欽化三部十八寨者號野蒲其八百館八百大甸先有土酋置妻八百各領一寨名八百媳婦洪武初其酋刁攬那內附設宣慰每遇改元則頌赦諭金牌勘合與緬甸同其俗事佛敬僧見客無跪拜之節把手爲禮男女皆刺花樣眉目間以爲飾老撾車里亦如之車里則額上增刺一旗其地過紅衣及景東界度險數日皆平地戶多樓居樓出陞謂之掌可晾衣物其下畜六畜人娶四五婦不妒供作皆妻妾夫死則棄之無娶者曰鬼妻有過客願贅謂之上樓上樓則剪髮不得歸其家人聞之輒痛哭如聞訃然日車里上樓矣凡食牲不殺咒而死其緬甸館本元邦牙軍界金沙有屋廬舟筏其國書爲緬文進上者書以金葉次貝葉次檳榔葉緬酋椅案悉用金出則乘白象張金葉曲柄傘以竹皮爲冠環插珠翠以飾之國人稱酋曰卜刺浪男女衣白氍白莎羅布裸而塗以白檀姜黃之末顧地熱日三浴于河日沒時海如雷鳴日入卽止立阿瓦剌城邦啞直根諸寺有事則抱佛說誓自諸府州衛以及百夷羣甸所稱三宣六慰者其土俗隨在各異獨正火把節在六月二十四日云是



日南詔誘殺五詔于松明樓取以爲節自二十日後家黷大火樹于庭不分老穉人執一小炬互相焦灼以爲樂有鬚眉焚脫者日具膾腥吸酒召姻婣貧家亦躡飲于市醉則聚廣場明火相撲遇水則執炬者躍波而行無炬者浮奪之自貴州普安以達於雲南一境皆然無敢禁者

善闡歷鄭趙楊三姓至大理段氏以高智升領善闡遂兼有其地元末段氏世襲宣慰使有段功者初爲蒙化知州以兄光死無嗣襲總管時元宗室皇子忽哥赤爲梁王鎮善闡明玉珍自湖入川統紅巾三萬攻雲南梁王走威楚諸部悉亂

合誌入

九

會稽徐氏重萊

功駐兵呂閣敗紅巾于關灘江時紅巾收合餘衆再戰功在陣中得玉珍母寄其子書戒勿輕還功摩其書跡易之促之歸玉珍得書疑國中自變又新失利竟旋師功追之至七星關大勝而還王素讎段氏至是深德功以女阿禧主妻之奏請授雲南平章曲意承奉功遂留善闡其原妻高氏在大理善文寄樂府詞邀之功乃歸已而復來或譖于王曰段平章歸而復來此必不利于善闡者蓋早圖之王曰然密召阿禧主付孔雀膽一具令毒功主不忍夜語功曰我父忌阿奴將殺奴矣願偕奴西歸因出毒具示之功不信曰爾父視我厚吾耻自蹶傷爾父尙爲我裏之何得有此再三言不聽明

日王邀功東寺演梵至通濟橋馬逸王令番將格殺之主聞  
變失聲哭曰阿奴不聽吾言致有此雖然吾不負阿奴起自  
裁王守之嚴主愁憤將死乃作詩曰吾家住雁門深一片  
閒雲到滇海欲隨明月遠蒼山誤我一生踏裏彩吐嚙吐嚙  
段阿奴押不蘆花何處採肉屏獨坐細思量昆西鐵立霜灑  
灑踏裏彩被也吐嚙無知也押不蘆回生草也肉屏者索駝  
也昆西昆陽之西鐵立松也時主從容死而功有子寶女偕  
奴不忘復讎僧奴將適建昌華黎氏出手刺繡文旗以與寶  
曰我自束髮聞父冤恨非男子不能報此旗所以識也是時

高皇帝卽位金陵改元洪武而梁王尙據善闡與元主相通

合誌八

十 會稽徐氏重采

復奏舉寶爲雲南左丞未幾明玉珍復侵善闡王借兵大理  
寶答書曰平章已亡兄弟鬻絕止遺一髮一奴忍不足配阿  
穰主矣乃謝其使急奉表歸高皇帝高皇帝答慰之時有妖  
巫女歌曰莫道君爲山海主山海笑諸諸國中花謝千萬朵  
別有明主來未幾寶病死子明嗣明又死叔父世典國事洪  
武十五年三將軍破善闡梁王敗走世上書請奉正朔修歲  
貢不從再上書詞旨鴛鴦三將軍大怒督兵竝進大敗之擒  
世并寶二孫苴仁苴義俘京師上釋之賜苴仁名歸仁授雁  
門衛鎮撫苴義名歸義授永昌衛鎮撫以寶曾表降故也餘

悉伏誅



景東古柘南地元始內附以所部隸威楚萬戶統威遠州及  
案井母龍猛統阿籠三甸洪武初土兵至楚雄土官俄陶襲  
知府阿只魯職爭先納款獻鎧仗馬匹并元所給牌印上嘉  
之卽授陶景東知府額印世其職旣而思倫攻景東陶奔白  
崖土爲立景東衛命陶往鎮而別以流官掌印蒞府事陶至  
鎮勤慎守法不敢踰尺寸夷漢安之因仍復知府額賜金帶  
且鑄誠心報國四大字褒之陶死子陶幹嗣遂世氏陶正統  
中陶瓚征麓川有功加級至陶金以它事未襲印被奪及追  
得印始襲後有陶明卿最名

永樂二年上以百夷新附命製信符及金字朱牌頒給木邦

合誌八

十一 會稽徐氏重萊

八百大甸麓川平緬緬甸車里老撾六宣慰司千崖大候里  
馬茶山四長官司潞江一安撫司以及孟艮孟定灣甸鎮康  
等府州土官其製以銅范信符五陽文者四陰文者一以一  
合四俱相符陽文分刻文行忠信四字而陰文則兼刻之乃  
作批文勘合底簿自一號至百號止其號之字則車里以車  
字緬甸以緬字各編底簿而發陰文信符及批文勘合百道  
于諸土官發底簿于布政司其陽文信符及批文百道則藏  
之內府凡朝廷遣使齎陽文信符及批文各一至布政司比  
同底簿然後遣人送使往令土官比同陰文信符及勘合卽  
如命行其信符之發初發文字次發行字周而復始又製朱

牌鏤金字敕書其上諭之其文略曰敕土官爾以遠人慕義慮大小臣民假朝廷差使需索特命禮部鑄信符付爾凡調發及當辦諸事須憑信符乃行如越次及比字號不同與有信符無批文有批文無信符者皆詐也其禽之至京處以死罪至勘合百道凡軍民疾苦及奉信符所辦諸務與貢獻方物俱填寫勘合與司比號而書之底簿然後司官亦遣官同齋奏聞若邊疆機事徵發調遣從三司官會同計議已經承行則亦填寫勘合奏聞如例毋忽

初孟連屬麓川平緬宣慰司其後屬孟定府永樂四年設孟連長官司以刁泐送爲長官而孟定土知府刁名扛本平緬

合誌入

土 會稽徐氏重萊

頭目與泐送等夷泐送遽服屬不厝遂于其子懷罕入貢時上言孟定孟連比肩族無統轄統轄未便遂改隸都司而促瓦散金二長官司亦以土官註甸入請不屬之麓川平緬而屬之都司順夷情也其後溪處甸長官自恩以所屬臨安歲責納海肥七萬九千八百索本司無有仍須向臨安買給未便因願改隸他府廷議除其稅而仍不改隸上從之

車里爲倭泥貉獠蒲刺黑角諸蠻襍居自昔不通中國元將兀良吉解伐交阯經其部降之置徹里總管領六甸洪武十七年設車里軍民府十九年改宣慰使司以土官刁暹答爲宣慰使永樂改元刁暹答內侵鹵官吏西平侯請討之上遣



使詰責悔懼還所鹵及地入謝會八百者乃八百大甸初附  
設二軍民宣慰使司以刁招徐刁散爲二宣慰使而還答惡  
之遣頭目攬線思奏請舉兵攻二宣慰不聽還答死子刁更  
孟襲職刁更孟死子刁霸羨幼叔父刁怕漢請暫典州事俟  
刁霸羨長還之謂之借職旣而刁怕漢亦死怕漢妻恃勢請  
以女土官借職不許密召前夫子刁弄冒爲還答孫請襲職  
竟于永樂十五年襲宣慰使而以刁更孟之弟刁雙孟爲土  
同知十八年雙孟惡刁弄強冒反壓已事多掣肘乘蠻人不  
服奏言弄暴民民無寧居乞別設治所分其衆因設靖安宣  
慰司而以刁弄爲車里宣慰雙孟爲靖安宣慰相抗弄大志

合誌八

七 會稽徐氏重萊

日興兵事讎殺先是永樂末布政司承差劉亨徵差發銀于  
車里誑弄派取諸部銀預輸之官應免常年差發而每年徵  
輸仍不免至是益甚宣德三年承差洪溢來徵銀蠻人大訐  
謂刁弄賣已自脬遂聚衆佐雙孟逐弄弄不敵投之老搨洪  
溢乃奏稱車里宣慰刁弄與靖安宣慰刁雙孟讎殺棄地投  
順他族請差官察治招撫上令黔國公同三司按問會刁雙  
孟死子刁霸供襲靖安宣慰而刁弄亦死老搨于是刁弄母  
乃具言兒弄爲承差劉亨所賣預科差發銀而復徵之蠻人  
不平故兒弄奔老搨貸責思以償民乃不幸蒙霧露死矣又  
不幸蒙惡聲兒弄實未嘗棄地亦未嘗與雙孟讎殺投他族



三司乃上狀罪亭等而更孟之子刁霸義亦年長遣土目召  
哀入貢并請襲職上命霸義襲車里宣慰而以霸供爲靖安  
宣慰如故九年刁霸供上言靖安卽車里舊地但以析作二  
治致起爭端今請仍合爲一歲貢差發悉如舊例以杜後患  
上從其請遂革靖安宣慰司合之車里而以霸供霸義竝爲  
宣慰遣使資信符敕書文綺賜之傳至嘉靖間緬甸侵車里  
車里附緬然有二宣慰其在大車里者應緬在小車里者應  
漢至萬厯中官軍大征緬宣慰刁糯猛畏之乃始貢象進方  
物并一應差發如故是後無附緬者

高思弄楚雄土官高政女也永樂中政朝行在會成祖北征

合誌八

十四

會稽徐氏重榮

昭皇帝監國召政語悅之陞知府且命其子孫世襲同知政  
卒無嗣其妻請承襲知府許之旣而妻又卒宣德五年政女  
思弄來朝仍以承襲知府請上命襲同知時楚雄同知無土  
官例吏部據例覆上曰皇考有成命何可沒也乃特設土同  
知一人而以思弄居之楚雄之有土同知自思弄始也  
思弄旣爲楚雄土同知于宣德六年進貢自卸冠帶作土婦  
裝騎象入彰義門觀者爲之繪土婦貢象圖及思弄所配土  
舍刁賢死賢弟刁浪兒請收思弄爲妻思弄不伏懇之布政  
使李榮榮初命隨蠻俗暨見思弄頓改其語謂同知命官也  
豈有命官爲他人據有之理無已或官夫弟無妻者則任本





蠻司合誌卷九

宣德三年設車里靖安鹽井巡檢司以通事王敬爲巡檢五年又設廣邑州置土官知州同知以阿都魯爲知州莽寒叔爲同知先是金齒廣邑寨本永昌副千戶阿干所居于嘗奉朝命招生蒲五千戶有功至是干遣孫阿都魯同蒲人莽寒叔阿類詣京修貢且乞于廣邑置州使阿都魯代已掌州事以熟蒲并所招生蒲屬之報可又設孟緬長官司及滇灘木縛雷傍哈丘隴磨孟倫五巡檢司時景東府奏所轄孟緬孟梳二寨僻遠屢被外寇乞并孟梳于孟緬設長官司授把事姜嵩爲長官以隸景東歲增貢銀五十兩而茶山長官司奏所轄夷民悉居深山獨以滇灘當小茶山瓦高之衝寇常出沒請以通事段勝爲巡檢置司滇灘以鎮之又南甸州奏其地先被麓川所侵賴朝廷威力復之倘不置官司以正疆界恐侵奪未厭乞于木縛雷傍哈丘隴磨孟倫各置巡檢司上從其言又設金齒軍民指揮司騰衝州置土官知州時騰衝守禦千戶所土官副千戶張銘言本所遠在極邊每以麓川仇殺驚擾夷民乞設州治置官吏與騰衝守禦千戶所相兼守鎮撫許之卽以張銘爲騰衝州知州

合誌九

一 會稽徐氏重萊



八年設騰衝州庫扛關庫刀關庫勒關古湧二關并南甸州賴邦哈九浪莽孟洞入巡檢司先是騰衝州奏本州路通麓川緬甸人民多逃徙差發貢獻時時有誤舊設四百夫長隸騰衝千戶所故庫扛關五處皆軍民兼守今四百夫長已隸本州而所守者止居民未便乞于諸處置巡檢司以土軍尹黑張保李甫郭節爲巡檢又南甸州奏其州與麓川接壤舊十二百夫長在騰衝千戶所故賴邦哈諸處亦軍民兼守近以麓川侵擾軍民不守者十餘年今朝廷已諭麓川還所侵地惟恐再見侵據與逃徙未絕乞于本州賴邦哈九浪莽孟洞三處亦各置巡檢司以土軍楊義趙得趙榮三人爲巡檢皆下所司議可如議又設臨安府河底威遠州播孟二巡檢司先是臨安府虧容甸長官司奏河底路通車里八百諸長官司自洪武中曾置官渡船以濟往來今軍民逃逸出境詐稱使者逼令乘載往往被害且緡河劫盜多有乞置巡檢司以故把事袁凱之子瑀爲巡檢威遠州亦稱其地與車里接壤累被各土官縱賊攻掠播孟當其衝乞置巡檢司以把事劉禧爲巡檢從之

合誌九

二

會稽徐氏重萊

初瓦甸長官司言曲石高松坡馬甸其地山高林深寇盜出沒乞置巡檢司以通事楊資楊中范興爲巡檢下三司及巡按御史審勘至是奏以爲便遂置三巡檢司命資等爲巡檢

資于曲石中于高松坡興于馬甸會宜蠻民復業者多歲納差發大候長官司土官刁奉罕奏大候蠻民復業者多歲納差發銀二百五十兩按前永樂中蠻甸鎮康二長官司以民多復業歲納銀各百兩俱陞爲州今納銀已倍于昔而復業日增請得援二州之例上願行在吏部嘉其撫綏竟從其請至八年南安州鄉老言本州俱係羅舞和泥烏蠻頑犢成性向無土官蒞治之多致流移并差役賦稅俱難理辦近因本州缺官委琅井土官巡檢李保暫署州事保甚善撫綏民流皆歸此真良牧也倘能陞本州土官幸甚行在吏部尙書郭璉以非例不從上曰卿但知守例而不知爲治在順民也遂以保

合誌九

三 會稽徐氏重粟

爲南安州判官時緬甸宣慰昔得以所轄當蕩地饒欲殺其頭目新把的而據有其地新把的遣子莽只朝貢具懇其事且乞置司授官庶免侵殺遂于東倘地置東倘長官司而以新把的爲長官旣而鈕兀五隆二寨亦以其地與和泥蠻近其酋任者陀比朝貢至京皆奏其地近蠻請設官授職以總其衆乃遂併五隆于鈕兀設鈕兀長官司而以任者爲長官陀比爲副九年命改瓦甸長官司不隸金齒而隸都司以瓦甸目把刁怕賴等言本司離金齒取遠而去都司實近因改

隸焉

瀾滄衛有力些賊每聚衆殺人燒廬舍宣德初緬甸招綱巴



罕入貢賊奪其貢物而射死其子同時有順寧雄摩二十五寨蒲羅夷賊倚山出略殺死順寧千夫長阿茂并土兵等上命都督沐昂發鶴慶順寧土漢官兵分勦二賊俱平之  
永寧蠻寨矢不刺非于宣德四年糾合四川鹽井衛土官馬刺非殺永寧土知府各吉入合去官軍撫諭之已命卜撒襲知府職矢不刺非復殺之已命卜撒弟南入又襲而馬刺非據永寧節卜上下三村逐南八大掠夜白尖住倪卜瓦諸寨事聞上命雲南三司撫矢不刺非并移檄四川行都司下鹽井衛諭馬刺非還所據村寨事遂寢時爲語曰土官數奇遂

兩刺非

合誌九

四

會稽徐氏重采

永昌千戶所千夫長刁不浪班攻剽潞江逐安撫曩璧奔金齒而據有其地宣德五年黔國公沐晟與三司官遣使招諭刁不浪班懼罪盡還所據地復歸田居且嘗差如故已而八百大甸土官刁招散遣貢方物且奏波勒諸蠻嘗以土酋土雅兵入寇殺人掠貨乞發兵進討上不聽但敕使諭之且曰聞八百大甸去雲南五千餘里而波勒土酋土雅皆未嘗歸化吾安能勞中國之人爲遠夷役哉  
永樂初寧遠州土同知刁吉罕奏稱其本州所轄猛慢七寨爲安南所奪且齒其婿及女去而徵差發銀于諸寨土遣禮部遣使諭安南王胡查令還所奪并不許私徵差發已而臨

安亦以地隣安南每被盜黔國公沐晟奏請駐兵于黎花舊市立營柵使與臨安官軍相兼守已復陞黎花舊市柵爲臨安衛中右千戶所頒印給冠帶如例至宣德中寧遠州復爲安南所侵掠刁吉罕告急廷議調官兵委都督沐昂討之上諭昂曰蠻夷譎詐未可知也往爾兄征南嘗調徵寧遠土兵七千竟無至者而反助黎利爲逆今安知其非仇殺而輕役我也其察實以爲進止毋忽本且急辭討生官職最難麓川一名白夷在金沙江南與緬接壤元時思氏居之洪武中三將軍下雲南思倫請降授麓川平緬宣慰司使未幾思倫叛逐景東知府俄陶大殺掠西平侯沐英討平之已而思倫與土目刁幹孟相殺上命沐春何福進討何福擒幹孟因分其地設孟養木邦孟定三府屬雲南而以潞江千崖大候灣甸四長官司隸焉永樂元年改設孟養木邦爲宣慰以刁木旦爲宣慰使廢思倫舊職而木旦爲緬甸土官那羅塔所殺兄子刁賓玉以土同知典宣慰事然又阻于緬寄居金齒者有年正統初思倫子思任性桀黠善兵每大言復祖父遺業至是乘釁據麓川略孟養地傍及孟定灣甸南甸潞江并攻陷騰衝而自稱曰法法者夷王號也四年敕黔國公沐晟爲征夷將軍討之并諭木邦宣慰罕門發協力會勦師次潞江思任遣其將緬檢截江拒守師不得渡初思任未叛時刁



賓王嘗遣思任質晟府晟兒子畜之至是晟遣使諭降思任  
佯許諾晟信之無渡江意而賊將緬檢數挑戰時左都督方  
政爲前軍怒甚請攻之晟不可政不勝憤獨率其戲下夜渡  
江擊走緬檢破柵斬三千餘級獲象三十餘遂與其子瑛部  
將顧勇等乘勝深入逼思任上江上江賊重地蠻兵大集政  
以旂牌乞晟援晟不遣曰渡江非我使也久之以少兵往復  
不進政知晟無援意遣其子瑛還而身與顧勇陷陣死事聞  
晟自知不免以冷水攜酥餅啖之發疾卒上乃敕沐昂代晟  
討賊而思任益橫犯景東殺大候知州刁奉漢等破孟賴諸  
寨降孟連諸長官司昂抵隴把以糧乏引歸喪其參將張榮  
于芒部下詔切責昂乃條攻取之策請兵十二萬分三道進  
下廷議廷臣多言不可而王振用事欲示威四裔乃于六年  
春命定西伯蔣貴爲平蠻將軍同兵尙書王驥監軍曹吉祥  
率湖廣四川廣西貴州及京營軍十二萬往征之陛辭賜  
金兜鍪細鎧弓矢蟒衣以行遇賊大候州解其圍遂至金齒  
分兵三道徑抵上江會大風縱火焚柵斬賊數萬級賊將刁  
放戛刁招漢俱死生擒刁門項等賊敗走保險驥等益麾兵  
入破連環七寨于沙木籠山又破象陣于馬鞍山之陰賊死  
者十餘萬思任棄妻走緬甸會維摩州蠻韋郎羅作亂自稱  
廣新王驥復擊之遁安南安南人截首來獻驥還京論功上



賜宴于奉天門進蔣貴爲侯而封驥靖遠伯贈方政威遠伯  
謚忠毅餘陞賞有差時思任旣遁而其子思機潛匿孟養復  
求撫乞守故地朝議謂首惡未擒餘孽復熾命王驥再鎮雲  
南驥同蔣貴督兵征緬甸索思任父子緬甸約往取驥難之  
郭登請行由金沙入緬緬首卜刺浪來會頗驕蹇登折之緬  
叩首聽命登還其國相緬刺劄以大金樓船載思任來獻時  
嫉登功者別遣登守沙壩刺劄至江不見登徘徊驥貴驟擊  
緬焚其舟刺劄復持思任去而思機亦遁驥乃遣千戶王政  
諭緬許以孟養之地易思任卜刺浪喜縛思任及其屬二十

人付政政遂斬首函獻京師以卜刺浪長子銀起葬爲孟養

合誌九

七

會稽徐氏重榮

宣慰而思機與弟思卜尙潛據其地銀起葬不能有也十一  
年改麓川爲隴川設宣撫司于隴把以土目恭頂爲使降敕  
赦思機思卜罪令其來朝不至時沐昂卒兒子儼襲爵又卒  
斌又襲屢敕之進兵終不能克十三年復議征麓川王驥與  
平蠻將軍宮聚副將張軌田禮方瑛等統兵十五萬并調木  
邦緬甸南甸于崖隴川諸兵自騰衝整師由于崖抵金沙駐  
哈罕二渡時賊柵西岸緬甸陶孟備船二百餘爲梁官軍從  
梁渡一鼓破之擒斬數千里賊走保鬼哭山立大寨三小寨  
七每寨設巨柵數重官軍乘勝縱擊之連破諸寨柵殺賊殆  
盡而思機思卜仍遁乃班師留方瑛守雲南敕緬甸宣慰卜



刺浪孟養宣撫銀起莽捕思機思卜而蠻人復擁思任少子  
思陸攻恭項走之仍據孟養地具言緬人不能撫民衆願仍  
立思氏永當差發時兵力已疲且度賊終不可滅乃與思陸  
約許以奮目得部勒諸夷居孟養如故而無官職且不許渡  
金沙江一步立石江上誓曰石爛江枯爾乃得渡

枯渡叶

然其

時有猛密曩罕弄事

猛密本木邦部落明初設木邦車里孟養緬甸諸軍民宣慰

而木邦在六慰中分土最遠猛密十三處皆在其內時有陶  
孟司歪者守猛密陶孟土目稱猶漢稱巡檢也其地有磚城  
而無樓櫓倚南牙爲險而環以摩勒金沙二水所產瓜果花

合誌九

入

會稽徐氏重榮

蔬與中國同獨寶井多利木邦宣慰罕樸者利寶井所有特  
以愛女曩罕弄妻司歪罕樸死孫罕窆立嗜酒好殺曩罕弄  
自恃姑行思奪曩結族人與爭不得景泰中興兵侵木邦逐  
罕窆據之傍略麓川孟養諸地自稱天娘子其子思樸稱宣  
慰每以金寶結內欲自立爲守臣所抑不得行成化初南寧  
伯毛勝守雲南貪猛密寶石許得自貢不關木邦而大監錢  
能直就徵其地自是曩罕弄益怙勢縱橫無忌十七年黔公  
沐琮以勦聞曩罕弄大懼會大學士萬安倖用事有劉賓玉  
者江西人也逋猛密謂曩罕弄曰無憂萬閣老權而貪陰結  
昭德宮與皇親萬喜取厚蓋賂以重寶而陰持之時兵尙書



張鵬請用兵安與劉翊執不可雖安邊息兵其言甚可聽而不知其以私阻也旣而安遣官出撫使劉大夏往啖以美饗大夏辭不行適副都程宗以憂歸卽起復偕譯使蘇詮往至雲南大言猛密宜開設衆驚駭巡撫吳誠有難色宗叱之曰一何儻汝敢與內廷抗耶誠倉皇不知所爲發疾卒宗乃率鎮守及三司會勘杖木邦訴民而犒曩罕弄使者時鎮守謂曩罕弄當出迎旣而不至且請曰我婦人不能遠涉願都堂就我宗乃踰南牙山就見又請曰我見都堂須有坐宗乃命坐曩罕弄坐定互譯良久已而笑曰我猛密之于木邦猶大象之孕小象也今小象長成軀倍大象矣寧能復納之大象

合誌九

九 會稽徐氏重萊

胞賂中孚宗曰然遂別立猛密宣撫司以思樸爲使開設衙門徑隸布政司與木邦抗安聞狀大喜遂以宗巡撫雲南尋遷刑侍郎進南工尙書而思樸奪木邦地逐罕窆如故弘治五年罕窆迎婦孟乃寨思樸襲之據其地二十七處誘降其頭目高答落放卓孟信蠻等罕窆不得還依住孟乃寨者三年巡撫張誥遣參政毛科副使荆茂詣猛密曉以利害思樸猶不服乃遣參政方守僉事周鳳等督理糧餉參議黃東山副使趙燭等督隴川南甸千崖三宣撫兵共趨蠻遮思樸度不能抗引去罕窆始得歸廷議謂罕窆雖返故土然思樸未悔罪委官召思樸出見與罕窆歃血盡還侵地而思樸終抗



命且復稱兵圍蠻遮蠻遮求援不能應於是孟養思陸請自效勦思樸

先是思陸既受約去官不過金沙江一步然豪僭夷中較昔尤甚居常怏怏必欲復故職會成化中太監錢能鎮雲南思陸乃以祖母珠帶及諸珍物餌能召見設飲食親與相對思陸益自負及弘治改元詔以金牌信符給徼外土酋時孟養宣慰雖廢而兵部失檢偶以舊號頒給思陸遂以牌符呼召諸夷曰天朝復官立我矣諸夷信之遂略取傍小邑自廣至是請勦思樸而諸夷競傳猛密畏思陸兵當從思陸請參政毛科以爲然遂請于總兵鎮巡官檄召之未至思樸遣人

合誌九

十 會稽徐氏重萊

賂思陸思陸不受曰吾破猛密則寶將焉往而需賂爲科等聞其語益喜乃約木邦爲內應而木邦罕罕亦密遣夷目陳思樸可擒之狀會副使趙炯與科會騰衝而參議黃東山則先之隴川儲糧科欲急爲功合罪人納贖米及徵潞江土舍侵用歲例銀犒軍促調孟養兵孟養兵至其領兵者爲大陶孟倫索過金沙江指飛鷹笑曰我曹猶此也得食卽食其不爲人使明矣科聞大愠值科營失火營燬狼狽移屯不能軍且飢甚日採芭蕉心食之遂引退而孟養兵無意戰將取道千崖徙去思樸遂遣兵躡之孟養敗然思樸終以勢不敵遣土目曩方請事願獻象二隻謝罕罕仍備方物入貢科喜方

自以爲功而鎮巡委副使荆茂及黃東山往驗且受其請奏  
錄茂曠山及爛料功而以科營失火使對簿科不平奏辨功  
過爛曠茂東山功在已上賦詩十二章以進上惡之罷科爛  
官而孟養則從此違誓渡江大攻猛密取蠻莫貢章諸寨撫  
諭不聽會罕窆死子罕烈襲宣慰職年幼不能自立欲借思  
陸兵報猛密思陸遂自稱宣慰阻山四出黔公沐英上三策  
上大征中雕勦下撫諭詔姑用下策遣參將盧和統官軍同  
參議郭緒副使曹玉詣思陸開諭思陸聽命渡江去時鎮巡  
請暫于騰衝撥官軍堵守錫思陸名目冠帶朝議不許嘉靖  
初諸夷以仇殺侵奪各上訴下鎮巡接勘鎮巡遣官偏歷諸

合誌九

十一 會稽徐氏重粟

夷各伏罪遷所侵地會思陸已死其子思倫與木邦罕烈各  
人貢思倫約罕烈擊緬攜其宣慰莽紀歲語具緬甸誌於是  
紀歲子莽瑞體仇殺并孟養有之而思氏遂衰當是時木邦  
罕烈與猛密思樸子思混仍爭地不決朝議以蠻莫猛母十  
三寨土地遼闊輪戍不能守莫若分其地仍屬猛密管食歲  
徵差發銀一千兩而割孟乃七寨仍歸木邦未果旣而木邦  
猛密俱入緬見緬甸誌

正德八年蒙自土舍祿祥爭襲父職訖其嫡兄祿仁而安南  
長官司土舍那代助之以兵遂稱亂守臣討平之事聞上命  
革蒙自土官改安南長官司爲新安守禦千戶所調臨安衛



中所官軍戍之十六年潞江安撫司土官安捧奪其從弟掩  
庄寨三十八所掩屢訟于官不報捧遂集夷兵圍掩寨縱火  
屠掠掩母子妻妾及夷民男婦死者八十餘人因據有其地  
鎮巡聞狀乃統官軍誘執之捧尋死干獄上命仍戮尸梟市  
其子詔及黨與皆斬

彌勒州十八寨夷久爲民害有阿寺阿勿者交通寧州土舍  
祿世爵遂于正德十五年相約稱亂都給事劉洙以聞上命  
巡撫何孟春巡按陳察討之擒寺斬勿併俘其黨一千七百  
餘人先是寧州故有土官知州職專巡捕至州事則流官知  
州掌之武宗嗣位土官祿俸惡其礙已乃賄瑾罷革流官至  
是祿世爵以叛故論死世爵倖子也乃復設流官調通安州  
知州堅昂補之而祿氏土知州竟罷襲焉

廣南府知府廖鉉避瘴臨安以府印令土同知儂仕英子添  
壽護之添壽死家奴跛朋竊其印并經歷司印以逃旣而歸  
印于族叔儂仕祥所時仕英親弟仕獬例得入襲通把季福  
請追仕祥印與仕獬而仕祥不許遂獻地與泗城州土官岑  
接與之連婚日謀搆兵滅仕獬家亡何仕祥亦死其子琳乃  
以府印送接而經歷司印則琳弟瓊攬有之巡撫王懋中廉  
得其狀調兵往問瓊懼還印于通判周憲會承差李志聰道  
經泗城接調問官兵虛實志聰張皇之且曉以順逆利害接

亦懼遂以府印還志聰時所調兵甫至境遽遣班師廷議褒  
憲及志聰而治鉉擅離與守巡失撫之罪至瓊接抗命旣已  
輸服姑勿問詔可明有錄其文苑未集陳明陳千需使當  
尋甸武定舊皆設土知府成化中尋甸安晟死兄弟爭襲巡  
撫王恕與黔國公沐琮請罷尋甸土官改流官知府而武定  
如故正德初武定阿英者以賄通瑾襲知府改姓鳳氏駕言  
有軍功當破例陞布政司右參政仍理府事擁衆鼓吹迎入  
布政司堂上任不許乃執司儀門上任而去先是陞參政時  
請乞金帶禮部覆無例上復破例令賞鍍花金帶一束至是

怏怏手把所束金帶曰安用是遂蓄異志尋死子朝明襲朝

合誌九

三

會稽徐氏重粟

明有叛狀火頭吾孟才告之官巡撫唐龍奏請從鶴慶諸例  
改流官知府而朝明輦金二十萬入賂錢寧事得止嘉靖六  
年尋甸知府馬性魯徵差發銀繫馬頭安銓妻于獄簿比祿  
下體咎之銓怒召衆亂略嵩明州由楊林木密攻尋甸將搶  
知府報怨而知府已遁乃殺指揮王昇唐功千戶郭彬去時  
參政黃昭道副使周奎統官軍討之大敗于是巡撫傅習急  
調土司兵援勦而以武定鳳朝文統兵千餘守厭江朝文者  
朝明弟也先是朝明有叛狀欲改流未果朝明死子詔幼當  
襲其妾瞿氏請護印朝文忌之嘗召衆與安銓往來且銓妻  
被咎者又鳳氏也至是據厭口還攻武定陷之殺同知袁偉



知州秦繼等一十三人合銓兵二萬于會城西北門外聲言  
鳳詔母子已就戮朝廷且盡勦武定蠻寨激諸蠻叛廷命兵  
部尙書伍文定統禁兵出征未至按察徐瓚議調各土兵與  
衛兵協勦已敗朝文于會城會鳳詔同母瞿氏皆督兵自會  
城出諸蠻望見詔錯愕爭投詔降朝文知事去絕普渡河走  
官兵追及又敗之乃取道霑益思奔東川土舍輔祐斬其首  
而銓衆尙盛復歸據尋甸列寨數十官兵分哨連破之至必  
古老寨銓突圍將走苦部爲土舍祿慶所殺交定至部署而  
還當是時武定雖亂然尙設土官如故而其後有鳳繼祖者

鳳繼祖卽鳳朝文養子也初鳳朝明死其子鳳詔以幼襲令

合誌九

會稽徐氏重粟

詔母瞿氏護印而鳳詔又死繼祖名阿倫至是遂更名繼祖  
欲以奪襲而瞿氏不許請從土婦襲職例令詔妻索林承襲  
復使索林又娶婦爲後襲計旣而瞿氏有外行與索林稍嫌  
隙繼祖乘間走京師獻金納指揮級陽言襲武定知府得朝  
命揚揚具輿馬冠帶以歸土人不知者附之如鶩遂囚繫瞿  
氏而逐索林巡撫敖宗慶討之不克會易門土縣丞王一心  
反與庄戶李向陽土巡檢王行道等聚衆數萬人自稱混天  
大王以普文爲軍師攻圍州縣而繼祖應之且與尋甸土賊  
麴遮共拒官軍復誘索林與講解襲殺其火頭鄭竑等七十  
人出富民羅次大掠分遣東川營長阿科等攻曲靖尋甸時

赦宗慶已罷新撫呂光洵以工部侍郎奉命至與黔國公沐朝弼布政使鄔連參議盧岐巖副使張天復統土官李爵等兵由馬頭井龍分道攻入擣其巢擒斬賊首李向陽而密從間道進兵趨尋甸攻破五寨擒虧遮及王行道等乃與鄔連盧岐巖張天復議築武定城建守禦千戶所而繼祖復連姚安高欽據鐵鑲箐仍出四掠朝弼議招撫光洵不許復以旗牌調土漢官兵尅期集武定分爲四哨令土官儂文舉等各以險隘入而監以諸司且移檄川貴巡撫各舉兵應大敗賊衆于武定之西關繼祖奔乘勝焚其巢追及于會里州阿五

賊寨圍之土官陸紹先土婦安素儀先登斬高欽及賊首二

合誌九

五

會稽徐氏重榮

百餘級繼祖乃領兵萬人分哨衝營紹先與指揮盤珠麀戰陣斬賊三十餘級賊大敗墜崖投澗死者無算光洵令紹先以計撫繼祖頭目者色令領兵趨賊寨四面匝伏而以健兒隨者色入帳中斬繼祖首并火頭卞大才等數十人光洵乃自至昂陽計擒王一心梟之因請改土設流降姚安武定二府土官襲本府經歷不得統領軍務而除易門土縣丞職上安輯六事曰增流官曰立學校曰更驛傳曰移巡司曰置捕館曰遷州治光洵以功進尙書餘賞賚如例而于是鶴慶廣西尋甸姚安武定諸府皆流官焉

三十五年武定酋阿克有馬頭四十八人而鄭舉稱首慄悍



多力富于財知府陳典收禁之舉以兼金置魚腹中饋典獲  
免已復收之如是者再四舉惡其無厭乃與阿克等攻破府  
城殺指揮金守仁千戶王應爵等男婦四百五十餘人時陳  
典以入賀在會城賊擁推官白明通以兵隨其後直抵會城  
進公移請以冠帶印信給阿克圍城三日復分其餘賊四出  
焚掠沿村鎮市所至殘滅盡殺諸老穉而抽其壯者爲賊鎮  
巡不得已從圍城給印縫與之去攻元謀和曲諸城未一月  
陷一府三州四縣時尋甸土目大理保楊禮結火頭招補阿  
白者色及土婦海沖爲亂攻破嵩明署印知事李性先棄印  
逃遂殺吏目常宗孝學正龍旌由楊林還尋甸復殺指揮諸  
潘裕等會巡按御史周懋相候代駐曲靖調霑益安紹慶土  
兵自嵩明追賊尋甸屢戰屢捷三十六年三司官亦分道追  
賊而鄭舉等已西破祿豐知縣蘇鳴力戰死日而諸路兵大  
集擊賊斬其家屬十一人阿克鄭舉逃東川官軍追及之土  
司祿哲縛阿克鄭舉獻軍前并其黨鄭文鄭宗舜而參政楊  
俊臣亦率廣南儂兵擊敗海沖等奪還嵩明諸州印信副使  
羅希益斬楊禮楊成俘其孥于是尋甸武定賊一時俱平天  
啟中武定吾必奎以從征功受官旣而反連陷祿豐廣通諸  
縣進攻楚雄府破之副使楊畏知分巡金滄統官軍追勦生  
擒吾必奎伏誅乃留畏知駐楚雄爲諸蠻鎮畏知後以附永

明死南寧中

蠻司合誌九

光緒十六年徐氏鑄學齋重刊

山陰田寶祺校



合誌九

七

會稽徐氏重刊

光緒十六年徐氏鑄學齋重刊

蠻司合誌九

蠻司合誌九



雲南三

沅江那中洪武初歸命授世襲土知府嘉靖三十年那鑑以爭襲殺土知府奪其印嘯聚數千人流劫郡縣巡撫石簡督兵進討鑑詐降請赴軍門而親帥勁賊與左布政使徐樾抗戰樾至沅江鑑毒江上流人馬飲之輒死師少卻鑑乃縱象騎直趨樾軍殺樾巡按趙炳然以狀聞詔奪簡官而責黔國公沐朝弼令戴罪殺賊朝弼調土兵大勦鑑敗自殺遂革土官收印令臨安衛指揮一人往署之然其印猶藏那氏每文

合誌一

一

會稽徐氏重榮

移指揮取印必以夷兵蜂擁送印至環伺之署訖復擁去萬厯中土舍那天福篡兄自立卽鑑孫也  
老撾近安南成化十六年安南王灝以兵攻老撾連破二十餘寨殺二萬餘人逐宣慰使諸蠻震動先是大監錢能貪黷密以文幣良馬易灝珍寶因與灝往來互市灝嘗遣使入臨安大理假爲商賈貿易其地至是蹂躪近邊間有窺內之意朝廷飭將吏提防而諭灝還國灝聽命去旣而灝復以兵六萬再攻老撾值老撾有備敗歸死者二萬餘灝大憤自將兵九萬繼之復爲滿刺伽所躡覆其軍死者三萬灝憤且慙得疾去十八年車里宣慰報陵兵數萬駐老撾界上八百所報

亦如之未幾又去嘉靖中老撾宣慰刁攬章入告言安南應  
襲長子光紹爲叔父所逐出亡老撾欲調象馬送還其鄉而  
廷臣恐啟邊釁謂邊臣義無私交尙構陳有形其患叵測當  
勅責攬章以私納之罪而遣光紹歸國詔從之

嘉靖十四年安南叛人武嚴威武子陵等亡命居雲南邊界  
水尾州與八寨長官司副長官瓏徹教化三部長官司土舍  
張澤交通已而安南國人捕二武急移文八寨二武疑瓏徹  
貳已誘執之黔國公沐紹勛及撫按官奏請敕府縣衛所所  
在防守遏其豕突而遣使布朝廷威德以取回瓏徹并寬張  
澤等以私通之罪上是其言後瓏徹還而武嚴威等亦遁去

合誌十

二 會稽徐氏重粟

餘竟勿問

猛密產寶石武宗朝錢能出鎮每歲採辦至嘉靖初猶然巡  
按劉臬疏止之不聽時猛密酋思眞猶在也年一百歲凡採  
辦例必先應官府然後與商買賣每一往五六百人其屬  
有地羊寨在猛密東往來取道所必經者寨中男婦皆黃睛  
鯨面類鬼剪舊銅器聯衽之纏兩足間以爲飾然工幻術能  
易人心腎手足致死卽馬牛亦然時以採辦者多人有強索  
其食者旣去腹痛死已而所乘馬亦死剖之則馬腹皆土石  
也思眞嘗勦之凡殺數千人不得絕至是復議勦以兵少中

止思眞一百十歲死



麗江土官木得在元爲宣撫副使洪武初入貢尋以功授世土知府凡徵調征討皆在行間得死子初襲從征思任亂有功後以居西陲能捍吐蕃每有徵調但輸軍餼免其兵訟入世至本塔值北勝搆亂以兵擒首逆進秩已九邊軍興助金三萬已又以殿工助一萬褒之乃復條陳十事下部議可進三品秩尋請老子懿襲萬厯中有兄弟三人長名木公次名木么三名木么長卽土知府也三人皆好禮有名顧善取金其法每兩過輒令所在掣其地伺之及又雨耨而襍拾皆金矣特拾金皆輸之官民間匿銖兩皆死嘗貯金數十庫餽人每餽以千計人謂之木公金云其地近西名狗西番

合誌十

三

會稽徐氏重業

姚安鐵鎖箐本獮種前代無內附者弘治中稍稍歸命間隸之姚安姚川諸土同知所顧無專屬至嘉靖中始專屬姚安高氏遂稱姚安鐵鎖箐會逆酋鳳繼祖反姚安有鈞黨祖者統箐賊出犯蒙化爲繼祖應及繼祖敗後他一切勿治箐以漏網反踴躍思爲亂是時賓川大姚各寨環箐錯列有所謂赤石崖螳螂古底烏龍壩大波那你甸楚腸各左木茶刺羌浪金旦俄打喇小茶喇喇摩歪寧苴只瓢苴諸酋率引箐賊爲鄉導其地有所謂薄刀嶺鶯過愁者皆懸巖大箐天險可恃以故標桀無顧忌有火頭羅思者與百夫長羅勤快善火頭漢言渠魁也勤快蕃異志而畏羅思等不發會巫人李仙



子挾幻術至箐謂思曰箐中饒王者氣當今有赤手搏漢大制南仲者豈君乎思應聲曰吾而不王誰當王者矣時勤快方治毒弩藥矢聞思言亟貽思與謀思乃與勤快羅革等十人自稱孟獲二十世後當世有南仲立爲沖天鐵面十大王拜楊桂三爲相子撒爲將軍造符鑄印遂起兵隆慶六年瀾滄兵備周汝德徵兵討之無功都御史鄒應龍遣將楊州鶴潛至三姚偵諸羅狀三姚爭徒跣訴諸羅不道州鶴返命會臨江特僕攻徽江城殺府吏奪印諸部涵涵都御史乃決策進勦陽召所司令勿擅興師卽興師當先特僕且必俟冬春瘴消而後請期當是時姚安知府楊汝允以試事至謁都御史都御史問勦賊事汝允曰羅酋已悔罪宜罷兵都御史急應曰諸旣而語裨將胡翰曰太守豈以賊爲真可撫耶太守掾史與賊故等夷嘗遣人邀賊黨來謁謂爲聽撫索賞去一旦上官移檄令持斧逐捕輒先告賊賊遁逃夷官借捕亡命報仇指示仇常劫人有姦賊賊出夷官手但借證實仇者罪夷官與賊分姦賊去凡所請皆詐吾欲使瀚爲謀者往慮無因乃令繪二圖分勸善戒惡狀令瀚持往盡得其虛實卽令前軍軍安寧駕言使永昌而密遣人以羽檄徵武定苴卻兵由紅古底喇叭箐入攻鐵鑊預以器械盛橐中陽爲估商旣已十道出然後下令行昆陽晉寧安寧諸郡以觀水利郡中



尙鼓吹開闔如故而都御史已微服至洱海驟臨赤石崖由  
俄打喇經母喜虧賣諸寨自將中軍而以副使湯仰軍大姚  
僉事田汝弼軍賓川征南將軍沐昌祚軍威楚各與苴卻武  
定兵應乃召匠建坊山間手書之曰平賊嶺遂督瀚等攻阿  
盧喇喇鮮摩烏只苴蕞朶喇賦姑寨次甸頭慶戰直破鐵鎖  
諸道兵皆集爭先陷陣斬首五百級捕獲生口七百餘人羅  
思羅革走山洞死餘賊保雞足山鸚鵡郎官軍又破之生擒  
李仙子王勤快等大搜諸箐下土官庄庄人縛僞相楊桂三  
將軍子撒來獻乃破螳螂古底江郎小插郎曾諸箐盡平事

合誌十

五 會稽徐氏重萊

婦舞雙刀上下山如蜚及執李仙子試之果能役巫鬼預言  
吉凶常夜易軍中擽卒以亂刁斗勤快亦能令屋瓦作滾石  
聲驚人當其破鐵鎖時裨將盧雲入箐中見一白衣人持弩  
立巖上雲追之忽上樹不見軍中望之者以爲猿云時赤石  
崖增設判官一人專以逐捕爲事而分鐵鎖箐外甸羅柰朶  
喇只苴蕞只摩賦姑他俾坡章谷排紅古苴黑雞苴的務喇  
叭俄打喇各左屬雲南赤石巖螳螂古底龜山屬北勝餘部  
署如初

納樓普沙曾從高皇帝征伐積勞賜沙爵副長官使食邑千  
納樓茶甸遂爲納樓茶甸副長官司四傳至普星以叔父普



顯食三山北寨使備陵南紅衣黑腳諸闖星死子安在襁褓  
顯乃鹵安欲害之朝廷論顯罪當死會赦徙貴州旋復逃歸  
奪瓦喇孔及五畝水塘二寨嘉靖初安卒子銓嗣顯復殺銓  
奪印而去銓子崇正幼與其母訟諸朝顯與子普宗又坐法  
徙騰而宗妻遺腹生阿乃請得食乃竜寨及崇正長襲官阿  
乃亦長據乃竜倚紅衣黑腳諸險慨然曰瓦喇孔五畝水塘  
吾大父食邑也不與崇正崇正訟之竟不與于是相仇殺會  
儂人記來阿烟矣隊三百人藏匿祿谷崇正密召至主魯寨  
而以酋長易兔掌之阿乃亦召黑腳陵南諸蠻兵竝爲亂當  
是時曲在阿乃未幾阿乃死可罷兵崇正欲盡并從弟崇新

合誌十

六 會稽徐氏重萊

崇順寨令車昂李朝鳴引記來等擊新等思奪其地不克值  
臨安衛經歷鄧鑑僕李英亡命納樓崇正召與議陰貽千金  
一聽英所爲英復引儂人阿桃阿楚七百人擊破芭蕉嶺非  
肯寨殺阿賣等崇新亦帥酋長別者電王廷相阿寫等引陵  
兵五百人擊破羅白俄賈法克諸寨殺略刁撐俺他等崇正  
憤甚復引儂兵擊破打娘多寨殺落書等會萬厯改元下令  
逮捕諸亂者先遣材官騎士驅陵兵出境乃襲捕崇新崇順  
白亨白鮓王廷相阿籠等十餘人而臨安亦捕獲車昂李忠  
等竝繫之獄已復逮崇正不至御史按之急始就吏竟坐法  
免子僎襲而吏議以崇順不與亂謀乃出順令其子五官保



竝食別者電寨餘癩死獄中李英聞順出怒復引儂兵擊破別者電殺刀博等明年銓復令李英趙春擊破別者電殺崇順其妻楊氏及五官保遁芭蕉嶺英乃據宗怡孟弄以爲險守將楊州鶴出戰不利別將楊守廉復調善甸兵轉戰復不利都御史鄒應龍會征南將軍沐昌祚統武定新化兵四面攻擊大敗之生擒李英阿桃阿棗習翰朗掌等會僕死英等亦死應龍予告去儂人阿六矣登乘間出殺略御史郭廷梧等議以儂攻儂立調廣南土舍僂文舉往捕果生得記來阿烟矣兌阿六矣登及朗阿郎楞等而餘黨悉平其後紀平儂功謂應龍撫御失宜免應龍其他邊將楊守廉等皆以要功

合誌十

七

會稽徐氏重萊

啟夢坐市死聞者寃之

緬甸古朱波地漢通西南夷謂之撣唐謂之驃宋元至明則謂之緬以其道里之緬邈也其族不一種呼十緬有所謂得楞子阿瓦如猛別雍會普潞洞吾擺古者而築江頭太公馬來安正國蒲甘緬王五城元至元間遣將軍兀良吉憐擊破之建邦牙軍至高皇帝二十六年緬王南速來朝明年置宣慰司以其長卜刺浪爲宣慰使卜刺浪緬王稱也緬人呼王爲卜刺浪王之妻爲米潑刺其地東至八百南至海西至孟養北至猛密去黔南二千二百八十里由金齒滿漂過怒江踰高良弓山取道麓川經蠻牛莽港蒙叟汎金沙江至緬境

有城郭廬舍金銀寶玉且饒鹽利王出入乘象馬有文書其  
行軍者名錫刺善火器置烏鎗獸弩錫刺每持兵在前則衆  
荷供具隨之故軍行五六萬戰者不滿二萬永樂三年緬酋  
那羅塔來朝那羅塔者卜刺浪長子也詔使襲宣慰而更定  
平緬木邦孟養緬甸八百車里老撾大古刺底馬撒靖定爲  
十宣慰司至五年緬酋馬者速復來朝馬者速者卜刺浪次  
子也初卜刺浪分緬地使那羅塔管大甸次子管小甸暨卜  
刺浪死那羅塔盡收其土地人民有之而逐馬者速馬者速  
往依速睹嵩土官板洋爲贅壻至是來朝訴其情而請復小  
甸以從父命詔諭那羅塔使悉還土地資產旣而緬人與孟

台誌十

八 會稽徐氏重業

養刁木旦仇殺敕行人張洪持節往正其罪那羅塔遣使乞  
宥許之十五年建緬甸館于京師宣德二年宣慰新加斯與  
木邦仇殺而死子弟皆潰散緬耆父老共推大頭目莽得喇  
權理其地而緬人便之遂請莽得喇襲宣慰使五年麓川思  
任及緬甸莽得喇各遣使上言木邦罕門占據其地黔公沐  
晟諭還之至正統中麓川思任逼緬尙書王驥定西伯蔣貴  
索思任于緬而許以地緬乃獻思任并其妻子敗徒板蹇等  
語詳麓川誌中弘治元年緬甸來貢且言安南侵其地二年  
遣編修劉箴諭安南罷兵而其後有莽紀歲者爲木邦罕烈  
孟養思倫所殺



當思倫罕烈之擊緬也既殺莽紀歲而瓜分其國緬人赴關  
訴不報嘉靖六年始命永昌知府嚴時泰往勘時孟養尙強  
思倫夜縱兵鼓譟焚驛舍時泰等僅以身免乃別立土舍莽  
卜信守之而去時有賚金牌千戶曹義併爲所殺值安鳳之  
亂不遑問其事也莽紀歲有子生于雪中其體有光滿室因  
名瑞體少奔匿洞吾母家洞吾曾養爲已子旣長與養母道  
洞吾曾死瑞體妻養母而有其地洞吾之南有古喇一名擺  
古濱海與佛郎機隣古喇曾兄弟爭立瑞體和解之古喇德  
瑞體爭割馬草地爲獻受其約束瑞體嗟喇嗟華言公  
道主人也瑞體乃舉衆絕古喇糧道殺其兄弟而併有其地

合誌十

九 會稽徐氏重粟

會緬僧有妖術者歸之樹海嶺七十自衛諸蠻畏之尊爲金  
縷白象主當是時滅緬者木邦孟養而與緬相抗者猛密也  
猛密思烈子思奔思孺相爭奔訴于瑞體瑞體殺奔僞立思  
烈次子思混改名思忠而假途于混以掠孟養卽留土目卓  
吉據其地旣而卓吉爲奔孺猛乃曾別混所殺瑞體破猛乃  
執別混卽欲入寇內地時朝議用總兵官沐朝弼請已于蠻  
哈設兵防緬瑞體覘有兵遁去故事土司襲替皆勸實請命  
于朝隆慶二年木邦土舍罕拔遣使告襲官吏有索賂者拔  
怒與弟罕章集兵截旅途使漢人不得通會乏鹽乞于瑞體  
瑞體餽之五千登拔感緬而志中國遂攜金寶象馬詣瑞體

致謝瑞體見拔歡甚贈以寶帶緬鐸白象鬪錦珍貝香藥甚夥遂約爲父子時有官府只愛一張紙打失地方二千里之謠而于是向之爲緬讎者今且臣緬矣踏江安撫線貴聞之亦投瑞體日謀聚內侵且遣使召隴川多士壺士壺不從旣而士壺爲岳鳳所殺隴川秤弄也會千崖宣撫刁怕舉死罕拔請瑞體襲千崖千崖下則隴川多忠幼而新立可乘勢取之瑞體卜于緬僧吉其子莽應裏悍而狡謂瑞體曰隴川千崖雖無主路遠難取迤西思箇地廣兵強世讎殺倘我遠事川崖而乘虛襲我此敗道也莫如稍助拔兵聽其自取夫迤西木邦在我肘腋若迤西不爲我有尙望能出三宣侵承騰乎瑞體然之借拔兵一萬令自取千隴而已率兵侵迤西迤西思箇出應敵相持不決而隴川岳鳳見其主幼陰欲據其地亦賚重賂投緬拜爲父蠻莫土目思哲亦迎降緬緬納爲義子乃調緬兵萬餘爲疑兵出入于緬甸迤西界上牽制思箇復徵罕拔兵會岳鳳隴川襲多忠萬歷元年緬兵至隴川多士壺妻罕氏木邦女也力不能支懷印信攜二子多忠多孝并二女及姪罕朝光潛奔永昌當事不能救仍遣罕氏還隴川罕拔素疑朝光欲爭襲木邦宣慰惡之至是鳳見罕氏同朝光還遂貽書拔請爲拔除朝光并戮罕氏拔喜令罕章罕難等助之夜襲罕氏罕氏攜二女走于野鳳執之斷其



右臂奪其印并擒殺朝光而生送二女于緬多氏族屬殘殺殆盡鳳遂受緬鐸據隴川乃與罕拔思哲定盟必執思混下猛密奉瑞體以拒中國時僞爲錦囊象函貝葉緬文稱西南舍樓白象主莽噠喇弄王書報天帝帝中多諄謾之詞皆鳳所爲也而罕拔則恃縑勢召于崖刁怕舉弟怕文曰汝嫂我妹也吾欲妻汝并汝兄宜撫皆爲汝襲可據于崖以臣緬怕文挾二子奔詣同知薛衛守備李騰霄懇言拔欲怕文背漢事緬妻嫂滅姪無天理怕文世受國恩願與戰次日方戰適瑞體遣子應裏喇誦率衆二十萬分戍隴中間拔以其兵驟臨之怕文潰奔永昌而衛與騰霄俱退去拔遂取于崖印令

合誌十

十一 會稽徐氏重萊

罕氏收掌罕氏節拔妹也且與緬鐸令罕氏以女土官臣緬而召蓋達副使刁思管雷弄經歷廖元相佐之給貝葉符令同守于崖以防中國當是時木邦蠻莫隴川于崖諸夷俱已附緬而迤西猶未決也金騰副使許天琦遣指揮侯度持檄招諭迤西思箇乃刻木二一書天帝號一書莽噠喇率衆拜之以卜向背而莽噠喇木墜地思箇乃受諭與瑞體抗時瑞體大發兵攻迤西思箇告急會天琦已卒署事副使羅汝芳知其事犒思箇使者給空劄許以世襲令先回待援而募商人慣入緬者予金繪令往密伺其虛實來報于是檄近緬諸夷說以內向依期援迤西遂調漢土兵馬躡至騰越思箇

聞接至喜甚立令土目烏祿刺送領兵萬餘絕緬糧道于阿  
瓦寨且督大兵伏裏撤誘緬兵入截其歸路然後自衝其前  
而請援兵自隴川尾擊之緬大敗會糧絕撮金易合米屠象  
馬屑木剉草以爲食疫癘大作死者如丘山瑞體請和不許  
時水兵開江中石關衝潰緬舟而近緬諸夷如景邁猛鞏密  
受汝芳檄者各調勁卒聽指使值大計諸道入覲者恐軍興  
阻行移書諸同事合文止援因汝芳不聽遽揭巡撫謂兵連  
禍結失馭夷之道不便撫臣王凝馳檄止汝芳汝芳接檄投  
地大罵然已無可如何思箇力旣疲援不得發岳鳳偵知之  
暗集隴川兵二千兼程援緬導瑞體由間道遁去思箇力追

合誌十

三 會稽徐氏重萊

之且追且殺緬兵生還者十不一二然而已失機事矣五年  
巡按陳文燧上請經理然與時宰相抵牾事亦寢六年廷議  
遣使將迺西所俘瑞體兵象侑以金幣諸物送還瑞體瑞體  
不謝七年永昌千戶辛鳳奉使買象于猛密猛密香思混卽  
向瑞體所立改名爲思忠者也時亦臣緬執幸鳳并軍伴送  
瑞體會瑞體修佛事遣使持檳榔菓緬文送鳳回是年瑞體  
復率兵象侵迺西報夏撤之怨思箇以無援敗奔將之騰越  
中途爲奴郎都等執送瑞體瑞體殺之盡據迺西地八年巡  
撫饒仁侃遣舌人李阿烏諭緬阿烏至擺古見瑞體道皇帝  
威德引先年蔣貴王驥征麓川事瑞體不語及言罕拔岳鳳



不法假緬力擾漢地瑞體陽應曰吾不知也居旬日趣阿烏  
還十年岳鳳領緬兵襲破于崖土婦罕氏久臣緬今復奪其  
印俘之無何莽瑞體死子應裏嗣

當岳鳳罕拔之臣緬也爲瑞體招附諸夷拒中國浸已成勢  
顧鳳心忌拔常諧拔于瑞體不應至是噉應裏殺拔併木邦  
地時拔子進忠守木邦應裏遣弟應龍代之拔孽子罕鳳與  
耿馬舍人罕虔謀其擒進忠獻應龍乃以灣甸州景宗眞爲  
鄉導追進忠于喳哩江進忠挈妻子內奔兵象從者不十一  
餘悉俘于緬緬兵入姚關十一年正月朔焚掠施甸剖孕婦  
以卜男寇永昌女寇順查腹破得女攻順寧破猛淋寨指揮  
吳繼勛千戶祈維垣死之是年冬又攻蓋達副使刁思定求  
救不應糧盡城破妻子族屬盡爲所擄當是時于崖刁怕庚  
雷弄廖元伯遮放刁落恩南甸刁落憲蓋達刁思定皆陷于  
緬給事楊文舉先爲保山令稔知緬事上便宜七事詔下兵  
部議巡撫劉世曾巡按董裕請以南京坐營中軍劉綎爲騰  
越游擊移武靖參將鄧子龍爲永昌參將各提兵五千赴援  
副以土兵應裏亦西會孟養猛密蠻莫隴川兵于猛卯東會  
車里八百孟艮木邦兵于猛炎大併衆入犯姚關綎與子龍  
大破緬兵于攀枝花地斬宗眞罕虔首乘勝追招罕摺色所  
向無敵其捷奏有名地者曰蓋達曰隴川曰喃略曰魚刀山

合誌十

三

會稽徐氏重菜

曰朋麻曰猛林曰南甸曰黑猛弄曰大窩蒲曰章拜菁曰蘆  
子山曰猛淋峽曰黃蓮關曰夾象石曰小隴川曰西山曰六  
庫阿曰夏陽曰遮放其捕獲土目有所謂賴真線乖從拍講  
線唵喇啐喇亥喇斷波唵波猛喇喃捧貴欠院怕瑞喇怕喇  
衣老戍喇喇喇立喇莫喇應吉項乍者而行間紀功有名則  
土同知高承祖土縣丞楊如楨土舍者繼榮土勇小羅姐李  
入婢土婦安素儀等自十年十月至十一年四月斬首萬餘  
恢復蠻地三千里乃復用蒲人爲偵探以計擒招罕招色子  
三尖山獲罕虔妻朽妾博招罕妻羅送獄于是緹子龍率兵  
出隴川猛密直抵阿瓦阿瓦酋莽灼瑞體弟也聞官兵至大  
懼糾猛密思忠蠻莫思順詣緹請降旣而灼行至曩朴病死  
先是灼有白象一能決勝敗不爽每出兵問之瑞體嘗借以  
自隨至是問不應應裏乃以灼子乃篤改名思斗莽肘者守  
阿瓦而岳鳳瞻顧行間深悔緬不足恃乃遣姪岳亨妻刁幼  
子喃歇先請降緹詰以五事皆如約而後許之一斬陪臣首  
二追罕氏于崖印三獻僞鐸四還被擄男婦五招徠迤西鳳  
初出緬所給鐸無干崖印不許旣而復遣子曩烏送罕氏金  
牌敕書及緬賂象馬然後詣軍門請罪時劉世曾等謂鳳有  
心計欲借之以招諸夷議處之金沙上游許不死故當時猛  
哈思化迤西思威木邦罕鳳皆殺緬使詣緹降進忠亦集其



餘衆來奔會六月焙毒緬謂官軍必不前綖乃率緬甸土舍  
莽永順蠻莫蠻酒阿線養凱挨旦猛莫遮思嚕得猛密所部  
五章蠻弄允莫入外猛搔光腦遮傲錫跋猛廣猛炎東蚌小  
猛養嚕諸夷兵不避瘴暑先登斬首捕獲無算奏捷陞賞時  
諸夷向背多視岳鳳爲去留故綖欲暫假責效俟事平正法  
而當事日索獻俘而不之察也十二年冬征南將軍沐昌祚  
等檻車傳岳鳳父子五人及莽糜啞晏得皮一人致京師上  
御皇極門受之祭告如例于是諸夷解散蠻莫思順阿瓦莽  
永順猛密思忠錫跋思奇迤西思威俱先後遁去仍投應裏  
詔讓綖等調劉天倬爲將軍而應裏得意令酋長喇緬臘塔  
答等帥阿瓦遮浪兵分屯遮魯噠喇麻哈戛廩補魯煞勤紀  
哈狼喇爽博薛等城而自以精兵留密堵且札阿瓦江以爲  
險天倬帥指揮楊棟等擊破遮魯噠喇諸城直逼阿瓦江緬  
見漢兵至驚潰乘勝斬殺生獲緬目多曩長等拓地二千里  
金騰兵備李材上其事時在陣多土兵不知取級旣而復往  
腐濫且報數多參錯御史蘇鄴劾李材冒功截蠻酋首當緬  
兵襍以我兵瘴毒死者疆覈其數仍不合軍書多欺罔上怒  
逮材天倬俱下獄法司屢上狀原罪不報時材與天倬前後  
上書大抵謂執緬酋大朗長散奪者臣也從迤西戶入草罕  
曩頂之請遣杜斌破遮浪者臣也而謂秋毫無所捕則當時



孟乃猛革猛養戛散是誰捕獲遮些猛戛黑安都六是誰安插夫金沙江去玉章貫屯七八百里而遙又瘴毒居恒尚不能往來豈有兵爭之日諸商得洋洋鼓棹而行使臣肩殺如臺臣所言者如以爲割屍抵級則士卒當暑以疫瀉死者約五百人卽五百人未必一時死隨死亦隨瘞道左何至數月後猶聚屍一方尙無腐朽以待臣割剝乎且夷賊自報在密堵城殺呀泄泄別在遮補城殺喃者別者在大別養寨殺喇瓦在戛廩補魯寨城殺喇過在麻哈城殺喇別散未聞夷商有名氏者上終不省論棄市其後以他事出獄先是思忠等歸命時朝命嘉其義以思忠爲猛密宣撫思化猛哈同知思順蠻莫安撫比信符至而思忠等已復投緬乃以忠母罕烘順母罕送各代子領該司印至是應裏攻猛密罕烘不能拒率其孫思禮從子思仁奔猛廣而猛密失猛哈思化復進奔蠻莫據之罕送率其子思華奔騰越時有問罪思化之議巡撫蕭彥密令撫夷同知漆文昌撫化文昌單騎入化壘化稽顙聽命且云奴有助迺西殺緬賊功今無所歸願寄食蠻莫從之十七年孟養酋思眞爲緬所擄其秤弄思遠奉思眞妻來歸給以冠帶令思遠佐思眞妻守孟養而思遠乘亂自立爲宣慰虐諸部夷諸部夷引緬兵至聲言遣思眞殺思遠妻妾同知漆文昌率思遠思昏寄盡西緬遂破孟拱僞署堵罕



于孟養瓊罕于孟拱而去而攻孟廣罕烘思禮奔隴川思仁奔雅益而猛廣亦失十九年應裏欲乘勝至騰永祭告墳墓率猛別阿瓦糾堵罕瓊罕兵象圍蠻莫思化告急時思個據迤西侵猛密以雍會爲部落依壘弄洞吾聲援而緬復助之征南將軍徵諸夷兵趨蠻莫多俘獲至那莫江接戰會天炎官軍行不前裨將萬國春選設騎二百伏等練上下令夜舉火縛諸炬于樹人執三炬植二炬地下高崗鳴金鼓喊呼震天緬望見火光如槍卒至類十餘萬衆反踵遁而我兵追之俘斬無算時給事張應登上書條緬事謂騰永去京師三千里而遙一應土司請襲者縣道不與勘給但經駁覆動二三

合誌十

七

會稽徐氏重榮

十載乃令土舍管事強凌衆暴欲其部不亂難矣夫諸部分布原聽調度今策緬事者尙言暹羅國在緬後牛噠喇在緬旁當約令擾之而我得中邀鷓蚌之勝况姚安鶴慶景東北勝蒙化羅次之屬皆近部也夫得楞素有積忿阿瓦久懷不利加之以木邦猛廣猛羅蠻莫猛拱孟養迤西新被讎殺而不因之以檄結諸夷令自相攻擊此爲失策至若各省直有正副總戎兩人而滇南獨以一總戎居其省會宜改騰永參將爲副總戎其撫夷同知不宜拘九年遷轉之例當陞其體統以運同官行同知事鄧子龍往謂猛邦可屯令蘿荀絲庄在三宣鼎足之中度道里北去騰衝南甸南去隴川蠻莫西

去于崖蓋遶東去小隴川輕騎俱可一日至獨去芒市二日耳誠付子龍以屯而招遠人以墾田編爲令甲願占籍者聽其自便復倣王驥故事凡武職有納粟百石者許陞級子廕以爲屯費乃敕軍中善造火器者爲一營歲時監造土司噎寨不得以金銀什物爲常例錢著爲令則緬事可效不用是年應裏遣使等毋海弄查賈貝葉緬文求通而思仁復叛投緬先是思仁隨罕烘奔猛廣時有甘線姑者思忠妻也思仁乘思忠投緬于奔行時烝嫂線姑卽欲得之以爲妻而罕烘不許至是罕烘與線姑及線姑子思禮皆奔隴川而思仁奔雅益率兵象犯隴川欲擄線姑去會隴川宣撫多思順有備弗克逞懼中國問罪乃同丙測歸應裏應裏僞署思仁于猛密而罕烘思禮復奔芒市二十一年應裏欲以允墨守蠻莫思仁乃以猛密兵及猛拱堵罕孟養襲罕集衆三十萬象百隻擁送允墨據蠻莫思化敗走墨等立九大營深溝高壘爲久駐計仍分道內犯一入遮放芒市一入臘撒蠻額一入杉木籠竝出隴川多思順不敵奔猛卯二十二年巡撫陳用賓出駐永昌先縣重賞購思仁頭乃以參將王一麟攻播哈指揮錢中選攻上關守備張先蔭攻打線中軍盧承爵攻哈噉左右大斬獲遂克復蠻莫追之踰等練賊狡甚僅以羸兵數人馬數匹遺道左旣而以象數隻羸兵數人遺道左而伏其



勁者于箐崖中俟官軍過出擊之官軍遂不敢窮追而返時  
御史李本固倡設關屯計而用賓成之築八關于騰衝之邊  
曰萬仞曰神護曰巨石曰銅壁曰鐵壁曰虎踞曰天馬曰漢  
龍每四關設一守備戍之而募閩人黃龔使暹羅約與得楞  
夾擊緬緬初以猛卯多俺爲鄉導寇我東路至是遣木邦罕  
欽擒多俺殺之以絕其黨于是築平麓于猛卯大興屯田會  
是時邊事旁午餉不給運米石十金而值不與故銳意興屯  
三宣之內以營兵任屯其他非營兵而願屯者聽二年小成  
免其賦三年大成始十一而賦之是年緬督思仁寇蠻莫大  
敗之斬其渠丙測二十六年車里老撾刁舊猛刁怕猛等入

合誌十

充 會稽徐氏重乘

貢而耿馬罕們灣甸景從眞鎮康刁悶枳蓋達刁思權皆修  
貢事獨孟養思轟以來歸爲緬所擊檄各土司合救之緬潰  
去先是緬遣孟連孟艮及土舍刁派漢等乞款貢詔賞應裏  
及子景邁荷喊拍詔銀兩使其赴騰衝來領復申之禁令曰  
毋陽順陰叛毋父貢子犯毋報怨思化其救思化亦曰毋絕  
緬貢道而緬竟違詔至是思化子思正乘多思順之喪襲隴  
川據其妻罕氏三十年阿瓦甕罕與木邦罕拔子罕禮俱率  
兵討思正當事者殺正以止其兵三十一年甕罕罕禮亦入  
貢緬勢頓衰而暹羅得楞復連歲夾攻緬殺緬長子莽機搃  
擺古殘破自此緬不敢內犯然蠻莫擺古洞吾等練諸近緬

部終先後附緬如初至崇禎末蠻莫思綿爲緬屬守曩木河

會明亡永明王僭號僞年南徙與黔國公沐天波等走蠻莫

思綿使告緬緬使人迎之且傳語述萬歷時事并出神宗璽

書索今篆合之差一分以爲僞天波出已印相比無差始服

蓋自天啟後緬竟絕職貢無可考驗故也時天波與蒲纓謀

乘間走戶臘二撒不果遂入緬居阿瓦對江阿瓦卽緬酋所

居城也永明從行者皆分給土人爲奴惟岷王子八十人遁

暹羅去八月十五日爲緬朝會節各寨俱至强天波等行禮

天波不誦同官馬吉翔李國泰輩歸而耻之道經永明妃弟

王維恭家索酒飲維恭有蠻妓黎心令出歌舞黎心泣曰此

合誌十

辛

會稽徐氏重榮

何時尙作樂耶吉翔怒撻之會永明將僞西寧王李定國以

兵索永明敗緬兵于洞武藉礮及瑞羊岳逕抵南噶喇江屯

洞怕別將白文選屯象腿各去緬城八十里以無船將造船

于馬得狼井角緬大恐謀殺永明以絕望值緬酋弟莽猛白

弑兄自立慮諸蠻不伏欲示威集兵殺永明從臣沐天波以

下四十二人然後出兵與定國戰定國以十二舟濟師風發

覆五舟急引還屯黑門坎文選遽北走迎

大清軍于錫泊歸命定國走景線復走猛臘道病死而緬人

縛送永明王子

大清軍前請降時同降者有孟良孟定木邦蠻莫猛密孟養



諸有名部皆編屬

蠻司合誌十

光緒十六年徐氏鑄學齋重刊

山陰田寶祺校



三 會稽徐氏重棗

山陰田寶祺校

蠻司合誌十

蠻司合誌十

蠻司合誌卷十一

蕭山毛奇齡

雲南四

者繼榮羅雄土官也父濬爲知州見營長妻美殺營長奪之  
生繼榮十四歲卽持刃逐殺濬濬大驚欲置繼榮死終以其  
母故不忍假爲就學銅他室實囚禁之隆慶中濬老無子乃  
釋繼榮出使替職繼榮據州遂逐父父訴之鎮撫撫救繼  
榮迎濬濬歸繼榮陽事之實則囚禁如他日囚已狀且別囚  
其嫡母隆氏而逼悉父妾有沙氏者不肯從經死濬密遣土  
目者希訴鎮撫繼榮覺殺者希會萬曆九年大調羅雄兵征  
緬繼榮將行恐留濬爲難遂弑濬時霑益土知州安世鼎世  
絕其妻安素儀典州事亦提兵赴調繼榮見素儀大悅遂請  
合兵宿其營姦之且陰倚霑益兵力得自助而越州土舍海  
現其寡嫂資氏有殊色繼榮夙與通至是出師卽頓兵其家  
縱淫至數夕方去知州越應奎憤甚白兵備謀匿兵資氏壁  
擒繼榮繼榮脫走繼榮自以爲不容于衆且陰恃兵力遂聚  
黨占隣土不輸跣馬強淫諸夷婦無道先是繼榮生時有異  
徵及生廣額大鼻雙目如鳳兩手垂過膝嘗曰吾以此二肘  
揮斥天下足矣至是妖僧王道妖道楊五郎見繼榮貌大奇  
請依繼榮繼榮喜過望乃鍊丁甲祠鬼殺處妾覺旗鼓號爲

合誌十一

一 會稽徐氏重榮



神兵且開場演戰象募諸土兵別檄馬卜古獐諸部諸部多  
應者獨水西隆有義本繼榮外家長禍且恨繼榮囚辱母隆  
氏不應當是時臨安普安臨元諸兵備統土兵甚嚴而巡撫  
劉世曾巡按李廷彥竝移檄諸道防不測繼榮乃以阿東阿  
古李志明等各提兵壁法郎偏頭龍甸羊街子諸處攻破陟  
坡鴨子塘六涼斬土舍沙東土婦資氏奪其軍築石城于赤  
龍山寨高插天廣六十里建龍樓鳳閣于其中而圍以羣寨  
其下有龍潭九口險不可越料諸軍妻若子盡質寨上繼榮  
警蹕樹黃纛茄吹日幸羣寨淫諸軍妻諸軍妻無敢抗者十

三年巡撫世曾遣副使程正誼僉事鄭璧爲將軍調諸土兵

合誌十一

二 會稽徐氏重榮

宣州祿華誥嶧峨六志貞師宗隴勝水西隆有義霑益安紹  
慶越州資氏尋甸木遇春路南番騰雲秦世文新化普同春  
武定俛世功亦佐沙騰蛟令裨將劉挺萬整劉紹理郭九疇  
李延之等統之竝馳普鮓營自撤馬發兵攻赤龍寨斬阿姑  
捕鹵隆氏資氏海氏賊渠楊達孝妖道楊五郎等進攻普得  
龍及陀木舌星諸寨斬王道張道俘獲男婦及降賊一萬七  
千四百人器械什物無算追奔至阿拜江隆有義所將卒斬  
繼榮捷聞賜劉世曾沐昌祚舒應龍程正誼祿華誥等調曲  
靖衛中左所軍羅雄改名定雄建城設洙官知州敕者繼仁  
續者氏後給以庄田一切簿書獄訟盡屬流官而是後有必

必六土酋羅種居羅雄自繼榮滅後必六襲繼榮別寨暗據其妻小隆氏且以召衆時羅雄初城知州何倭甫赴任以土舍者繼仁繼者氏兵衛稍弛必六乃壁大莊寨與電速阿非速理阿擺阿五得六人挾四姓寨反萬曆十四年破羅雄州殺土舍者繼仁及土目李木忠田承賓等而執知州何倭驛丞張雲錦二人將出城會沙人三百人從他寨還聞州城急

馳州觀必六謂其援州也大怒合兵殺沙人百人沙人奔追之至河上復縱擊沙人溺水死殆盡時必六兵少諸夷惡沙人死無故不直無附者而電甸人栢林等謀移兵討必六必

合誌十一

三

會稽徐氏重采

六懼乃挾倭爲質強倭佯移檄太府謂沙人反破州賴必六擊賊賊棄州走倭見待罪必六軍請給必六等冠帶旌其功而後治倭以失守之罪時臨安兵備文作曲靖兵備金從洋知其詐請興兵討賊都御史劉世曾止之卽日給冠帶然祇給必六電速二人使諸賊自猜忌於是購土四丘文奎諸瓊風必六入謝必六遣阿吉詣軍門世曾厚賚之必六喜乃與文奎宴文奎密飲諸監門值天大風雪寒甚令倭易夷服匿諸瓊家夜出走江上江上軍伺援者皆夜至衛倭間道至曲靖而世曾已預遣副將李存忠參將蔡兆吉守備張先聲等統寧州越州水西霑益尋甸亦佐諸土兵及馬蓬古璋沙夷



攻大莊寨破之斬必六阿五得生擒阿東阿卓等攻都宜二  
硬寨破之生擒方俗阿恕者洗等攻阿邦至大箐還擊自硬  
普拖破之斬阿擺等攻色屋阿野迤西七黑安革本外破之  
斬阿墓等其捕獲生口及斬級俘鹵牛馬器械無算上賜沐  
昌祚文作及土官祿華誥等世酋先有諭賜告於是改羅雄  
州爲羅平調維摩州黃宇以同知行羅平事何倏視維摩  
順寧與大候接壤皆蒲蠻也順寧土知府猛氏大候土知州  
奉氏世爲婚姻萬厯中順寧猛廷瑞與兄猛思賢爭襲相攻  
殺而大候奉赦奉學兄弟亦然學嘗與赦分州治各設官署  
稱上下二衙雖赦居上衙學居下衙顧相抗無次第有司雖  
知之亦不問而廷瑞者奉學壻也二十五年廷瑞興兵攻思  
賢奉學助之巡撫陳用賓疏請征勦而以僉事李先著參將  
吳顯忠統兵攻城擣其寨廷瑞急請降先著不許令擒奉學  
自贖廷瑞乘間遁觀音山顯忠追及之連破數寨斬奉學于  
陣而執廷瑞送軍門誅之事聞改設順寧土官爲流官知府  
而改大候州爲雲州設流官知州併坐先著縱賊罪論死未  
幾順寧猛麻與奉赦子奉光奉學子奉恭請復土職統矣堵  
十三寨莽抗等復搆兵叛二十八年用賓復遣顯忠調土漢  
兵征之未幾平

孟定舊名景麻洪武十五年置孟定府正統間知府刁祿孟

爲麓川所侵遠徙他部會木邦舍目罕葛以從征功靖遠伯  
王驥令筦食其地嘉靖間木邦罕烈侵孟定奪知府印私令  
舍人罕慶筦食之是爲耿馬萬歷十二年官軍克耿馬復以  
罕葛之後罕合爲知府十五年始給新印合死子榮襲榮死  
子貴襲崇禎末孟定屬緬甸明亡永明僞將李定國索永明  
于緬駐兵孟定合元江土兵攻孟良兼與緬戰而孟定以畏  
緬不少助定國乃徙去

臨安阿迷州普覺木東山營長宣德中以東山多寇設巡檢  
司命普覺爲巡檢給以印旣而以他事坐廢正德二年巡撫  
吳文度奏廣西維摩王弄山與阿迷接壤盜出沒仍令普覺  
後普納復繼前職給以冠帶然或設或廢無定制至天啟中

合誌十一

五 會稽徐氏重築

有普名昇者爲馬者哨頭奢安之亂每奉調從征有功巡  
按傅宗龍題授阿迷土知州旣而驕甚崇禎五年御史趙洪  
範按臨安名昇不出迎已出戈甲旗幟列數里洪範大怒謀  
巡撫王伉列奏請檄川貴兵會討黔鎮商士傑布政周士昌  
擊名昇敗之進圍阿迷明昇恐陽使人約降而陰以重賄誘  
吾必奎

吾必奎者元謀土知縣也其先吾氏襲知縣以罪久廢必奎  
征奢安論功復官與沙源普名昇結納名昇被圍使謂必奎  
曰君不聞狐死兔悲之語乎阿迷平行及元謀矣必奎然之



時必奎在調中先登與名昇接戰陽敗走官軍辟易遂大潰  
士昌轉戰死事聞兵部熊明遇責伉起釁與洪範俱被逮名  
昇就撫然驕恣益甚會總督朱燮元自貴至懾之以威不敢  
動燮元去跋扈如故廣西知府張繼孟甫到官昌言曰名昇  
人傑顧守法人自疑之耳爲牒移臨安道經阿迷從來移牒  
過阿迷名昇必拆觀繼孟故爲獎勵語謂名昇可大用不宜  
過激名昇大喜欲一見繼孟會繼孟謁兵備使赴臨安名昇  
陰遣人道候繼孟繼孟預戒從者至阿迷當訪知州去及至  
熱睡不得請遂踰州治繼孟怒立撈從者咨嗟曰此行甚急  
當速赴而州公又必欲會如何乃先置驛騎使之俟而獨以

合誌十一

六

會稽徐氏重榮

數騎回阿迷名昇使還已聞繼孟撈從者狀及見繼孟乃大  
喜過望跪起迎坐方進茶繼孟謂曰聞公善毒人果否名昇  
大驚曰如公者方恨殺身無以報何爲是言易甌請先醢遂  
從繼孟手取甌一仰而盡繼孟遂告別名昇苦留之不得曰  
兵備有事急俟回痛飲未晚也繼孟疾馳凡三易馬至臨安  
而名昇追騎將及遽入城免是時名昇死以名昇易甌時繼  
孟已撈毒匙間而名昇不知也已而必奎聚眾反連陷武定  
祿豐楚雄諸州縣時寧州土知州祿永命石屏州土目龍在  
田俱與必奎名昇及沙源從征著名而二人者曾奉調至襄  
陽從總理熊文燦擊破流賊革里眼射塌天于雙溝文燦留







候等乃大喜問天波所在因決策追天波至楚雄時楚雄爲必奎新破金滄副使楊畏知奉調至楚雄楚雄留之及見天波將合力計守禦未具畏知乃曰公在楚賊必以全力聚攻聚攻城必破公何不西走永昌使楚得爲備賊卽西追恐楚塞其後留攻楚又恐公從西來首尾牽制上策也天波從之定洲至楚雄城閉不得入畏知乃遣人給之定洲去遣其黨王期李日芳等分攻大理蒙化陷之屠殺甚慘畏知乘間撤城外居民盡入城清四野築障隍檄調土漢兵守之定洲聞祿永命各守固不敢至永昌至是恐畏知截其歸路急還兵攻楚雄雖百攻不下值畏知坐城樓賊發巨礮擊之烟焰籠畏知賊謂已死及烟散畏知端坐如故因相驚爲神畏知伺賊間輒出奇兵擊賊所殺甚夥久之賊引去復東攻石屏不下還攻寧州祿永命戰死于是迤東稍稍定乃復攻楚雄分兵爲七十二營每七營統大營一環城圪濠爲久困計會張獻忠死其義兒苟可旺率殘兵由遵義入黔詐稱黔國焦夫人弟來復仇民久苦沙亂望其來迎之不知爲賊也定洲解楚雄圍去禦于革泥關大敗遁歸阿迷可旺破曲靖及交水俱屠之遂由陸涼宜良入省據城池官署法禁苛切較昔尤甚旣而分遣李定國狗迤東諸府而可旺自率兵西出畏知禦于啟明橋兵敗被執可旺聞其名不殺誘降之曰吾今

已不爲賊矣與爾共扶明如何長知曰果爾當從吾三事一不用獻忠僞號二不殺百姓三不擄婦女可旺皆許之卽折箭對誓乃以書諭天波如畏知言天波亦歸省而李定國之狗臨安者定洲部目李阿楚駐守拒戰甚力定國穴地置礮礮發而城陷屠之殺城中官民于城外白場合七萬八千餘人斬獲不與焉初意定國破臨安必襲阿迷取定洲乃僅掠臨安子女而回過河西攻破晉寧而屠其城并屠昆陽呈貢歸化殺數十萬人且盡殺臨安所獲婦女數千人于路是時迤西以畏知在軍免屠戮而定國迤東之殺與獻忠同乃旋師會可旺當是時定國偕可旺及艾能奇劉文秀四人皆獻

合誌十一

九 會稽徐氏重榮

忠義兒稱四王拆呈貢昆陽二城磚石及會城民居萬間造四王府于濱武場而尊可旺爲國主置六部官鑄興朝通寶銅錢括近省田地及鹽井之利可旺欲示威戲下念同儕獨立定國抗顏忽縛定國于濱武場聲其罪杖之百命定國取定洲以贖罪定國雖憾之顧相奉久無如何遂承命行初定洲歸屯兵洱革竜與萬氏分險守且私通安南借其援以自固會其自有陽嘉賓者迎定洲就營飲宴定國偵得之率兵圍營凡相拒數月出降遂械定洲萬氏等數百人盡殺之而狗定洲與萬氏剝其皮市中說三不難說矣



光緒十六年徐氏鑄學齋重刊

山陰田寶祺校



合誌十一

十  
會稽徐氏重校

光緒十六年徐氏鑄學齋重刊

山陰田寶祺校

